

सानसेयारि "बड'सा" खैरालाइयाव समाजयारि जिज्जो लोखा थावाय रायथाय, ब्रन्थाय, सल', सल'बाथा आरु दावबायारि थावनि, पाक बाइदिबि सायाव लिन्नाय लिन्बिबां दैथाय हर/सानसेयारि "बड'सा" खैरालाइया खेबखानाबे फोसावगोन।

बड'सायाव लिन्हरनायबि हुबा खालाम, "बड'सा" खैरौथां, जो बयबो आंगो खालाम।

**सानसेयारि बड'सा मावखुलि**  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

# सानसेयारि बड'सा



गसाइगावआव गोवां  
बिबानि निसा  
बेसादजो लोगोसे  
साब्रे सुबुखौ हमदों



गसाइगाव, 9 आगस्ट: आसामखौ फेग्रा एबा निसा मुबा उदां खालामनायनि थांखिजो राज्ज्यो सरकारआ निसा एबा फेग्रा मुवानि हेथायै गोखौ हाबाफारि लानो बिथोन होनाय बादिथै पुलिस खुंथाया बे बिथिडाव गोखोडे नोजोर लाखिनाय आरु सिप्रोमनायनि (5 बिलाइआव)

**आसाम-मिजराम सिमा जेना आयदाखौ लानानै गिबि मन्थि शर्माआ गहाय मन्थि मदिखौ लोगो हमदों**



गुवाहाटी, 9 आगस्ट: आसाम आरु मिजरामि गेजेराव सोमजिनाय सिमा जेना आयदाया मोनसे गेदेर जेनानि महर लादों। बावैसो सिमां सिमा जेना आयदाखौ लानानै दरनै राज्ज्योनि पुलिस सांश्रिफोरनि गेजेराव दाख-बाजि (5 बिलाइआव)

**बि जे पिजो बि पि एफआ जुथाय जानायनि सायाव जेबो रोखोमनि सावरायलायनाय जायाखै: भबेस कलिता**

गुवाहाटी, 9 आगस्ट: बि जे पिजो बि पि एफआ लोगो जानाय एबा जुथाय जानायनि सायाव जेबो रोखोमनि सावरायलायनाय जायाखै। हाबाफारि बायदिथै गुबुन गुबुन राजखानियारि खोथा-बांथाफोरा दोलोजो सोलिबाय थादोव्लाबो दोलोजो जुथाय जानायनि सोमोन्दे जेबो रोखोमनि सावरायलायनाय जायाखै होन्नानै तांनाय रबिबारखालि बि जे पिनि राज्ज्योयारि आफादगिरि भभेस खलिताआ बुडे। आफादगिरिनि न'आव खौरांगिरिफोरजो सावरायलायनाय बिथाड इड



पि पि एलजो बि जे पिनि होन्नानैबो बिथाडा रोखा खालामो। प्रमद बर'आ बिदान

**बासुगाव मिउनिसिपालि मावख'आव मावकुं बिबानगिरिनि आंखालाव खामानिफोरा थावथानानै दं**

बासुगाव, 9 आगस्ट: बासुगाव मिउनिसिपालि कमिटी थायैनि अनगायैबो मावकुं बिबानगिरि थिसन्थाय होयैनि जाउनाव बासुगाव मिउनिसिपालि मावख'नि खामानिफोरा थावथानानै थानो गोनां जादों। मिउनिसिपालि मावख'नि गहाय हेफाजाबगिरि मनज मन्दलआ मिथिहोनाय बादिक्ला सिदली सार्कल बिबानगिरिया मावकुं बिबानगिरिनि बिबानखौ सामन्त्यायदोमोन्त्याबो प्रमसन (5 बिलाइआव)

**बाकसाआव उदांखिनि अमृत महत्सव खुंदों**

बाकसा, 9 आगस्ट: 1942 मायथाइनि 9 आगस्टआव गाजायजेन्नाय भारत नागार जांखिथायनि फासें नोजोर होनाइ हादोर नाडे नो खुंफुंनाय उदांखिनि अमृत महत्सवखौ दिनें बाकसा जिल्लानि मुसलपुरआव थानाय सुबुं लुफुंथाय बिफाननि डिभिजनाव खुंफुंनाय जायो। आसामनि माहारियारि मेथाय खननायजो जागारजेन्नाय बे हाबाफारियाव बराय बिबुंथि लाखियो मुलपुर डिभिजन मावख'नि मावकुं इन्जिनियार खनिन बर'आ। बिथाडा गावनि बिबुंथियाव बुडेदि माहारिनि बिफा महात्मा गान्धीआ गामियारि स्वरजनि जाय सिमांखौ सुजुदोमोन बे



सिमांखौ मोकथां महर होनो थाखाय थांनाय 2000 माइथायनिफ्रायनो गामियारि लामा लुफुंनोनाय जादों। बे हाबाफारियाव बि टि सिनि बिथांखिफोरनि सिडव गार्सेबो लामाफोरखौ मोजाडे लुफुंनो

बिजनीनिफ्राय मुसुखा ब्रह्म, 9 आगस्ट: सानसेनि हाबाफारिजो चिरां जिल्लानि बिजनी ओनसोलनाडे दावबायदों बिटिआरनि गहाइ मावकुं सोद्रोमा प्रमद बर'आ। समबारखालि गहाइ मावकुं सोद्रोमा प्रमद बर'आ गावनि गिबियाव चिरांनि बिजनी खादौ गामिनि गोरिब नख'र सामासरन बसुमतरा, मागेन मुसाहारी आरु कावाटिखानि थागिबि हजरत आलीनि नख'राव थानानै खौरां लाफेदों। बिजनीनि निखाउरि



**आसामाव फोसावबाय गोदान एस अ पि, कार्फिउ आयेननि समखौ खमायबाय बेलासि 6 रिगानिफ्राय फुंबिलि 5 रिगासिम राइज्यो नाडे कार्फिउ सोलिगोन**

गुवाहाटी, 9 आगस्ट: आसामनि कभिड-19 नि थासाखौ नोजोर होनाइ राज्ज्यो सरकार समबारखालि गोदाने फोसावबावो कभिड-19 नि गाइडलाइन एबा एसअपि। गोदाने फोसावनाय एसअपिआव सरकार राज्ज्योयाव कार्फिउ आयेननि समखौ खमायनाय जादों। राज्ज्योनाडे सिगांनि बेलासिनि 5 रिगानि जायगायाव कार्फिउ आयेनखौ बेलासिनि 6 रिगानिफ्राय फुंबिलि 5 रिगासिम खालामनाइ होनाय जाबाय। बे गोदान एसअपिआ गाबोन 10 आगस्टनिफ्राय गोहोम गोरलैगोन आरु सरकार गोदाने फोसावफिनागोमानि सोलिबाय थागोन। बेरफासें लखिमपुर आरु गलाघाट जिल्लायाव कार्फिउ आयेनआ सिगांनि बादिनो बेलासिनि 5 रिगानिफ्राय फुंबिलिनि 5 रिगासिम सोलिगोन। गोदाने फोसावनाय एसअपिबादिथै (5 बिलाइआव)

नख'रनि सिथलायाव आगान होफेनानै खौरां लाखांनारनि उनाव बिजनी महकुमा बेंगिरिनि सावराय नबलांआव गार्से बिफाननि अफिसारफोरजो सावरायलायो। बेनि उनाव बिजनीनि बान्धव गोजैसिन गेजेर फरायसालियाव नुजाथि हैयो। बेनि अनगायैबो 1 नं गारगामियाव थानाय चिरांनि पलिटिकनिकखौ नायगिदिडे। गहाइ मावकुं सोद्रोमा प्रमद बर' बिथाड आय दैमनि हा खुरखावनायखौ नायगिदिहैयो। (5 बिलाइआव)

**लाइलापुरआव मिज'रामनि हेथायै लानाय रांखान्थियारि होबथानायखौ बोखारबाय**

गुवाहाटी, 9 आगस्ट: आसाम-मिजराम सिमानि लाइलापुरआव थानाय 26 जुलाइकालि सोमजिनाय जाथायनि उनाव दुंहाव थासारिया खम जानो हमदों। आसाम-मिज'राम सिमा ओन्सोलनि रेखांथिनि बिबानखो सि आर पि एफआ लानायनि उनावनो लासे लासे ओन्सोलाव सरसनसा थासांरि फैफिनो हमदों। बेनि गेजेरावनो थानाय रबिबारनिफ्रायनो लाइलापुरआव रांखान्थियारि होबथानाय हाबाफारिखो बोखदों ओन्सोलनि राइजो-राजाफोरा। गिबि मन्थि ङ हिमन बिश्व शर्मानि बिथोन बादिथै सानै मन्थि फारियै परिसल सुक्लबद्ध आरु अशक सिंचालआ ओन्सोलनि सुबुंफोरजो सावरायनानै बिसोखौ रांखान्थियारि (5 बिलाइआव)

**तामुलपुरआव लामानि जाब्रबथायजो बि जे पिनि दैदेनगिरिनि जिउ खहा**

तामुलपुर, 9 आगस्ट: तामुलपुर महकुमानि सदरनि तामुलपुर गोजैसिन गेजेर फरायसालिनि मोखाहाव दिनें सोमजिनाय मोनसे लामानि जाब्रबथायव बि जे पिनि सासे दैदेनगिरिनि जिउ (5 बिलाइआव)

**कक्राझारआव टिबि बेरामनि सायाव खौरांगिरिफोरनि वार्कसप खुंदों**

कक्राझार, 9 आगस्ट: नेसेनेल टिउबारकुलसिस इलिमिनेसन प्रगाम सुदयै एनटिडिपिआ गुवाहाटी प्रेस क्लबनि हेफाजाबजो दिनें टिबि बेराम आरु देहा सांश्रिथि आयदानि सायाव खौरांगिरिफोरजो मोनसे वार्कसप आरु मावबादा खुंफुंनाय जायो। कक्राझारनि टिबि कन्ट्रल सेन्टरव खुंफुंनाय बे हाबाफारियाव कक्राझारनि गुबुन गुबुन खौरां नख'रनिफ्राय खमैबो सा 30 नि बांसिन



खौरांगिरिफोरा बाहागो लायो। लोगोसे बे हाबाफारिनि लोब्यायैनो जिल्ला टिबि कन्ट्रल सेन्टरआ अनलाइननि गेजेरजो भासुंयेल ट्रेनि खुंफुंनाय जायो। टिबि बेराम आरु गुबुन गिथाव महरनि बेरामफोरनिफ्राय रेखाथि (5 बिलाइआव)

**माजबाटआव खुंगा 75 थि उदांखि सान खुंफुंनो थाग-थियारि जादों**

माजबाट, 9 आगस्ट: उदालगुरि जिल्लानि माजबाटआव दिनें साननि 1 रिगासो समाव माजबाट सार्कल मावख'नि सावराय न'मायाव माजबाट सार्कल मावख'नि बिबानगिरि उतपल कुमार डेकानि आफादगिरि मासि सामन्त्यायनायाव माजबाटआव खुंगा 75 थि उदांखि सान फालिनो थाखाय मोनसे मेल खुंफुंलाडे। बे मेलनि थांखिखौ बेखेवनानै होयो फोरोंगिरि रमकरन ग'डुआ। मेलनि थांखि बेखेवनाय लोगो लोगोनो गुबुन गुबुन फरायसा आफादनि आफादगिरि-ने हाथारि, मेलमजिबि सुबुंफोरा गाव गावनि बोसोनफोरखौ (5 बिलाइआव)

**Registration Open-2021**

**REGIONAL INSTITUTE OF SCIENCE & TECHNOLOGY**  
Approved by AICTE, New Delhi & Affiliated to NEHU, Shillong

**B.Tech (4 Years) Programme**

● CE ● ME ● CSE  
● ECE ● EEE

**Eligibility:** H.S (10+2) Science or equivalent examination with Physics & Mathematics as compulsory subject along with any one of the subject Chemistry/ Biotechnology/Biology with 45% marks in the above subjects taken together (40% marks for SC/ST).

**Lateral Entry to B.Tech 3rd Sem. for Diploma Engineers & B.Sc. Students with Maths & Physics.**

**Date of Entrance**  
12<sup>th</sup> August, 2021

**Salient Features**

1. Degree from the Prestigious Central University
2. Highly Qualified and experienced Faculty Members
3. Cognitive Teaching and Learning Approach
4. Well-Equipped Laboratory facilities
5. Placement Assistance
6. Free GATE/ NET Coaching
7. Soft and Hard skill training from the Industry Experts
8. Regular Workshops and Industrial visits
9. Largest Auditorium in the Northeast Region

**APPLY ONLINE** [www.rist.ac.in](http://www.rist.ac.in)

**Campus :** Techno City, Khanapara, 9th Mile, Baridua, Meghalaya  
**Ph:** 0361-2895071/097060-91836/09957054202  
**E-mail :** rist09@rediffmail.com

## सुजुगिरिनि खोलोम

### रां आर्जिनायनि लामाखौ बिफां-लाइफांनि फुलि जगायनानैबो लानो हागौ

थानै थानायनि थाखाय गोबां लामा दड होनानै बुनाय जायो। आबादनिक्राय लानानै बाइदिसिना खामानि-दामानिफोरनि गेजेरजोबो थानानै थानायनि लामा दिहुन्नो हायो। आबाद होनोब्ला जॉनि मानसिफ्रा दैज्जॉनि माइ आबाद, मेसेंनि मैगं-थाइगं, सबाय-सिबिं-बेसर बाइदिसिना आबादफोरखौनो हमनानै लानाय जायो। नाथाय बेनि अनगायैबोदि-ना फिसिनाय, दाव-हांसो, बोरमा-अमा फिसिनाय, मैगं-थाइगंजो लोगोसे बाइदिसिना बिफां फुलि जावयैनाय, नरें लेबु, थाइजो, लिचु बाइदिसिना फिथाइ-सामथायनि फुलि खालामनानै, गायनानै फिथाइ-सामथाय दिहुन्नानै थानानै थानो, नख'र सामलायनो खामानि-दामानि गैथै सुबुंफोरनो सरकारनि बिथिनिक्राय मदत होनायनि राहा दड। नाथाय बेफोर राहाखौ साबेसे बेकारफ्रा मोनफुनो हादो आरो साबेसेया बेफोरबादि स्कीमनि गेजेरजो थानानै थानायनि लामा दिहुन्नो हादो होनानै सौनायनिबो जाहोन गैया नड दड। अदेबानि बेनि मोन्दांथिखौ जायफोरा मावनानै जाबोदो बिसोरसो बेनि फिन्नायखौ गेबेडै होनो हागोन।

आधिकाल हाथाय-बाजाराव बोथोर नायै बोथोरनि मैगं-थाइगं-फाथाय, टमेट, कफि, फानलु बाइदिसिना मैगंनि फुलि जावयैनाय फान्नाय बादिनो-थाइजो, नालेंखर, गय, नरें लेबु, लिचु, जाम्बुजो लोगोसे बाइदिसिना रोखोमनि बाथाम-तकथा हाखाव जाग्रा बिफां-लाइफांनि फुलि जावयैनाय बोसोर नाडै फान्ना हानायनि राहाबो लानो हासै। मानोना आधिकाल गोगो आरो सुदेम बारहावया मोनफुनो हानाय बादिदै आलांगा फोथारनिक्राय लानानै लामा-सामा, न'उसु, बारि-बागान जेरावबो बिफां मायनानै सोमखे खालामनो लादो बे बिथिडे फुलिनि चाहिदाया गोबां बांबोनो हमदो।

मैगं-थाइगंनि आबाद मावनानै मुलाम्फा जानाय बादिनो मैगं-थाइगंनि फुलि जावयैनाय फान्नायवबो मुलाम्फा दं। आधिकाल न'नि बारि-बागानाव बाइदिसिना रोखोमनि मैगं-थाइगं फोनानै मावनानै जानाय-फान्नायफोर बादि खालामनो हायाब्लाबो नख'राव जानाय सोलिनो आन्था रोखोम-रोखोम एफा-एफा मैगं-थाइगं गायनानै मावनानै जानायबो दंसै। दाव-हांसो, बोरमा-अमा, नाफोरनि बाथ्राया आलादा। न'याव जानो आरो माफा-मानै फान्ना हानायनि थांखिजो गामियायि नख'राव दाव-अमा, बोरमा, हांसोफोरखौ फिसिनाय जाखायो। नाथाय फार्म महरै फिसिनानै रांखान्थियारि बिथाखौ खोमथा खालामनो हानायनि राहाखौबो लानो रॉनांगोन। गुबैथै आधिकालाव दावदेनि चाहिदाखौ नायनानै दावदे दिहुन्नायनायनि फार्मबो गायसन्नो गोनांथि दं।

## दिनेनि फानजामुधि

राशि बाइदियै मुनि गिबि हांखो	
मेष : अ ल	वृष : ऊ ब (उ ए इ) मिथुन : क छ (ङ घ)
कर्कट : ड ह	सिंह : म ट कन्या : प ठ (ण ष)
तुला : त र	वृश्चिक : ब न धनु : ध भ (ढ फ)
मकर : ख ज	कुम्भ : ग श (स) मीन : द च (ख ज झ)
<b>मेष:</b> सोरजोबा हिंसा खालामजानो हागौ। सांग्रां जानानै थानांगोन।	
<b>वृष:</b> मायावबा आन्दायलायनाय जानो हागौ। जेरैबो सांग्रां जानानै थानांगोन।	
<b>मिथुन:</b> नखरनि गोथार खामानियाव मावनानै लानो हागोन। दिनेनि सानआ गोथार सान।	
<b>कर्कट:</b> सोरजोबा बायदिसिना होनानै बांसाव जानो हागौ। गोसोखौ हमथानांगोन।	
<b>सिंह:</b> मोजां मोनलायनायजो गोथारै मिलन जालायनो हागोन। गोजोन्नायखौ मोनगोन।	
<b>कन्या:</b> मानिबा दायआव सोरजोबा सोमोन्दो नागरलायनाय जानो हागौ। गोसोखौ हमथानांगोन।	
<b>तुला:</b> रंजा-बाजा खालामनानै समखौ बारहोहरनो हागोन। फारफ्रोमथिबो मोजां।	
<b>वृश्चिक:</b> गोबाव समनि उनाव आंगो लोगोजो लोगो मोनलायनो हागौ। गोजोन्नायखौ मोनो हागोन।	
<b>धनु:</b> माखौबा लानानै सोरजोबा नालायनाय जानो हागौ। गोसोखौ हमथानांगोन।	
<b>मकर:</b> सुथुर जानाया जोबनाय नड। माबाफोर जेनायाव गोर्लैवायनो हागौ।	
<b>कुम्भ:</b> गोसो थोलायनायनि बान्दोआ गोरा जागोन। फारफ्रोमथिबो मोजां।	
<b>मीन:</b> नख'र संसार शान्तिआव फैगोन। शान्तिथै थानो हागोन। मोजां सान।	

# आसाम-मिज 'राम सिमानि जेंनानि गुदिया बांलादेशी हाबफै खुमानाय, मिज 'रामा बिसायख'थियाव मुलाम्फा मोनगोन

गुवाहाटी, 9 आगस्ट : भारतनि सा-सान्जा रइज्यो आसाम आरो मिज 'रामआव मोनसे पाटिनिनो सरकार दड, नाथाय बे दरनै रइज्योनि सिमानयाव भारत-पाकिस्तान सिमानि बादि दुहाब थासारि एबा जेंना गोनं थासारि जाना दड। अरायसम दावबायारिफोरजो बुंफबना थाग्रा बैयावनि हायेनफोरव गिखांनाय थासारि नुनो मोन्दो। बे रइज्योफोरनि सिमानानि जेंनाया बुं थार ला य ना या व सोलायलांनानायजो सिमायाव थानाय गामिफोरनि सुबुंफोरा खारखोमालांदो गुबुन जायगायाव। आसामनि हायेन ओन्सोल दालाखाल, कथुस्थल, जुफाइ, मेदिनी, फाइसेन बायदिआव सिरि-सिरियै पाक्का लामा बानायदो। आसामनि सुबुंफोरनि बादिब्ला मिज 'रामआ आसामनि 16 किल 'मिटार बाहागोख जेंना गोनानै दखल खालामना लादो। आसाम मिज'रामनि दाडा बाजियाव सा 6 पुलिस मावसुमाफोरनि जिउ गोमानायनि उनाव पुलिसआ सुबुंफोरखौ सिनायथिनो नाजादो, जायफोरा बे गांग्लोबनायाव दडमोन। बिसोरखौ रोखा खौरं मोन्नायनि उनावनो आसामनि पुलिसआ मिज 'राम सिमानयाव गोखो नायबिजिरनो हागौ। आसाम मिज 'राम सिमानि बिधान सभा ओन्सोल धालाइनि एमएलए आरो हाग्रा बिफाननि मन्थि परिमल शुक्लाआ आयेन बादिथै बांकार बानायनाय आरो सार्जिके ल स्ट्राइक बायदि नायबिजिनायखौ सोरांआव



लाबोनानै बु डोदि, इन्टेलिजेन्सआ खामानि मावगासिनो दड जायफोर दाय मावदो बिसोरो गोखो साजा मोनगोन। फार्सेथि मिज 'रामआ रइज्योआव पुलिसखौ बांसिने थिसन्दो। सरकारनि बुंथिगिरि बुंदोदि, जुदि आसामा नायबिजिरोब्ला, बेनि गोखो फिननायखौ होनाय जागोन। सुबुंफोरा रइज्यो सरकारजो लोगोसे दड। मिज 'राम सिमानयाव थिसनजानाय पुलिसआ बुंदोदि, डिसि इल्ललीया गामबुट गान्नानै फेदोमोन आरो पुलिसनयाव गोबां बिबांनि बेरफुग्रा मुवा दमोन। बे जेंनाया ना सिमानि ना अहंखार आखुनि। गाहायै बे जेंनाया बांलादेशी हाबफै खुमानाय आरो बिसायख'थि राजखान्थिनि। मिज 'रामनि आजिरा मोन्नाय

सांथि मुआनाया फोरमायदो, सा 4 लाख हाबफै खुमानायफोर आसामनि बारग' हायेननि करिमगन्ज, काछार, हाइलाकान्दि जिल्लानि हाग्रा बारिफोराव थादो। बिसोरो सुबुंफोरनि गेजेराव हाबफानानै अन्थाय खुबैनायै थासारिखौ जेंना गोनं खालामो। सुप्रिम कर्टनि बानायनाय हाजरिका कर्मसिननि आफादगिरि उपमन्थु हाजारिकाया कर्टआव रिपर्ट गथायदो। बियो बुंदो, हाबफैखुमाग्राफोर मिज 'रामआव दाय मावोब्ला आसामनि जायो आरो आसामाव दाय मावोब्ला मिज 'रामनि जायो। माखासे बोसोर सिगांआव बेयाव असमियाफोर दडमोन। आरो आर्थिखालाव बे फुरा ओन्सोलाव मस्लिमफोर दंसै। एनआरसिआबो फेल जादो। गुलि गावलायनायखौ नुनो मोन्नाय सुबुंफोरनि बादिब्ला

आसाम पुलिसआ बेरिन्द आउटपस्टनिफ्राय मिज 'रामनि सांथिफोरखौ सोबानानै थिनहरदोमोन। उनाव दरनैबो रइज्योनि पुलिसआ माइक लानानै फोसावदिडो आरो

श्रीनगर, 9 आगस्ट: जम्मु-काश्मीरनिफ्राय आर्टिकल 370 खौ बोखारनायनि उनाव कंग्रेस दैदेनगिरि राहुल गान्धीआ समबार बेलासियाव गिबि खेब श्रीनगरआव सौहैयो। बियो साननैसिम हायेनआव थानानै पाटिनि मावसुमाफोरजो लोगो हमगोन। बेजो लोगोसे राहुलआ मंगलबारखालि फु डाव श्रीनगरनि एमए रडआव बानायनाय गोदान कंग्रेस मावख'खौ बेखेवगोन। बेनि अनगायैबो राहुलआ हजरतबलआव थानाय शंकराचार्य मन्दिआवबो

सुबुंफोरखौ न'निफ्राय ओंखारनानै पुलिसजो लोगो लाना जुजिफानो खावलायो। पुलिसआ बुंदो गावबा गावनि हाखौ रैखा खालामनो थाखाय दावहा नांनो थियारि जादो। आसाम कंग्रेसनि बुंथिगिरि सन्जीव रायआ बुंदो, बेयो राजखान्थिनि फाव फान्दायनाय। मिज 'रामआव 8 दाननि उनाव बिसायख'थि जागोन। राजखान्थि बिजिगिरिफोर बुंदो, बे नान्जलायनायनि राजखान्थियारि मुलाम्फाखौ मिज 'राम मोनगोन। बेयाव आधिखालाव खुंथियाव थानाय दोलोआ गोखोसिम जादो, मानोना गिबि मन्थिया बेखौ मिज 'नि अहंखार आखुजो सरजाबफादो। फार्सेथि गनायथिज्जलायनायनि उनाव आसाम सकारआबो थांखिखौ गावनि फारसे लादो।

## आर्टिकल 370 खौ बोखारनायनि उनाव राहुल गान्धीआ गिबि खेबै काश्मीरआव दावबायगोन

श्रीनगर, 9 आगस्ट: जम्मु-काश्मीरनिफ्राय आर्टिकल 370 खौ बोखारनायनि उनाव कंग्रेस दैदेनगिरि राहुल गान्धीआ समबार बेलासियाव गिबि खेब श्रीनगरआव सौहैयो। बियो साननैसिम हायेनआव थानानै पाटिनि मावसुमाफोरजो लोगो हमगोन। बेजो लोगोसे राहुलआ मंगलबारखालि फु डाव श्रीनगरनि एमए रडआव बानायनाय गोदान कंग्रेस मावख'खौ बेखेवगोन। बेनि अनगायैबो राहुलआ हजरतबलआव थानाय शंकराचार्य मन्दिआवबो

थांगोन। कंग्रेस दैदेनगिरि राहुलआ काश्मीर दावबायनायाव रइज्योयारि पाटिनि आफादगिरि गुलाम अहमद मीरनि न'आव डिनार खालामगोन। बेयाव संगालि हान्जानि दैदेनगिरिफोराबो थाफागोन। बे डिनारआव नेसेनेल कन्फारेन्स (एनसि)नि आफादगिरि फारुख आब्दुल्ला, फिपुल्स डेम 'क्रेटिक पार्टि (पिडिपि) नि आफादगिरि महबुबा मुप्ती आरो कम्पुनिस्ट पार्टि अफ इन्डियानि गाहाय नेहाथारि इउसुफ

तारिगामीआबो बाहागो लागोन। गुलाम अहमद मीरआ फोरमायनाय बादिब्ला, बिथाडा रइज्योनि लेडाइ रइज्यो बेंगिरि मनज सिन्हानि अनगायैबो माखासे गुबुन दै दे न गिरि फोरखौबो खावलायहरनाय लाइ दैथाय हरो। बिथाडा बे डिनारखौ गावनि फिसाज्जलानि माखासे सान सिगां जानाय हाबानि थाखाय खुंगोन। सरकारआ थांगाय 2019 नि 5 आरथवाव जम्मु-काश्मीरनि संबिधानआव सोलायनानै आर्टिकल 370 खौ बोखारदोमोन।

## हिन्दु आरो शिख धोरोमारिफोरखौ तालिबाननिफ्राय रैखाथि होनो कंग्रेसनि दैदेनगिरिआ आर'ज खालामदो

गोदान दिल्ली, 9 आगस्ट: कंग्रेसनि दैदेनगिरि जयबीर शर्मा ल गि ल आ आफगानिस्तानआव शिख आरो हिन्दु नख 'रफोरनि सायाव खालामनाय इनाय-अनागाखौ लानानै गुबुन हादरयारि मन्थि एस जयशंकरनो लाइजाम हरदो। दैदेनगिरिआ मन्थिनो हरनाय लाइजाम आव आफगानिस्ताननिफ्राय हिन्दु आरो शिख हारिनि सुबुंफोरखौ रैखाथियै दिहुन्नानै लाबोनो थाखाय आर'ज गाबदो। दैदेनगिरि जयबीरआ बे लाइजामखौ टुट्टरआवबो शेयार खालामदो। बियो लाइजामआव लिस्टोदि, आनि आंगो हारिनि थाखाय आनि अन्नाया आंखौ बिसोरनि जेंनाफोरनि सोमोन्दे नो थानो लाइजाम लिटरनो नारिसन्दो। आफगानिस्ताननिफ्राय आमेरिकानि सांथिफोरा गिदिलांफिन्नायनि जाहोनाव फिन खेबसेबाव तालिबानआ गावसिनि गोहोमखौ दिन्थिदो आरो फारफ्रोमथिबो हिंसानि थासारि सोमजिहोदो। बेबादि थारिफोरिव आफगानिस्तानआव गोबां सुबुं मोन्थायफोरखौ गादबनाय जादो। भारतनि सुबुंफोरनि सायावबो बेनि जाहोनाव खैफोद नुजाथिदो। सरासन्ना अन्जिमा



बादिब्ला आफगानिस्तानआव सा 650 शिख आरो सा 50 हिन्दुफोर थाबथानानै थादो, जायफोर तालिबाननि नोजोरव दड। भारतजो सोमोन्दो गोनां आफगानिस्ताननि एसेल' सुबुं अन्जिमानि हारिफोरनि सायाव लान्थियैनो गांग्लोबनाय जादो।

बावैसो सिगाडाव गंसे जारिमिनारि गुरुद्वारनिफ्राय साहिबनि फि रफिलाखौ बोखारनायनि के सआबो सोराडाव फेदो। बेनि सिगां काबुलनि गंसे गुरुद्वारआव 2018 आव गांग्लोबनायाव सा 19 शिखफोर आरो हिन्दुफोर

जिउ गोमादोमोन। जयबीर शेरगिलआ बुंदोदि, बेबादि तासारिआव बिसोर सुबुंफोरखौ बैनिफ्राय रैखाथियै दिहुन्नानै लाबोनानि गोनांथि दड। बे बादि थासारिआव आफगानिस्तानआव थाबथानानै थानाय सा 700 शिखफोर आरो हिन्दुफोरखौ थाबैनो भारतआव फैनो हानायबादि भिजा होनो आरो बिसोरखौ बैनिफ्राय दिहुन्नानै लाबोनो दाबि देखाडो गुबुन हादरयारि मन्थिनियाव। थानाय सप्ताहआव तालिबानआ गंसे जारिमिनारि गुरुद्वारनिफ्राय शिखफोरनि गोथार नेसोन साहिबनि फि रफिलाखौ बोखलायनायनि के सआ सोराडाव फेदोमोन।

## कुन्दुजखौ जै खालामनानै कन्धाहार फार्से आवगाय लांदो तालिबानआ

गोदान दिल्ली, 9 आगस्ट : तालिबानआ आफगानिस्तानआव दर 3 रइज्योफोरनि राजथावनिफोरखौ दखल खालामनाय, जेराव सरासन्ना महरै मख'जाथाव मानिनानै लाजानाय सा-सान्जा सहर कुन्दुजआबो दंफा देरो। आफगानि बिबानगिरिफोरा फोरमायदोदि, तालिबानआ कुन्दुजजो लोगोसे दर 3 राजथावनिनि सहरफोरखौ दखल खालामनाय। तालिबाननि उतखारिफोरा गोखैथैनो गुबुन सहरफोरनि फार्से आवगाय लांगसिनो दं, जेराव सोनाबआव हेरात आरो खोलाआव कन्धाआ दंफा देरो। आमेरिकानि सांथिफोरा बे दाननि जोबथासिमल' आफगानिस्तानआ थागोन जायनि उनाव नाट'नि 20 बोसोरसिम सोलिबाय थानाय अभियानआ फुरायै जोबहैगोन। जाय समनिफ्राय नाट'नि सांथिफोरा फे फिननायखौ जागायजेनदो, बे समनिफ्रायनो तालिबानआ गांग्लोबनायखौ गोखोसिन खालामदो आरो दरसेनि उनाव दरसे ओन्सोलखौ दखल खालामदो। कुन्दुजआव थानाय रइज्योनि सासे एमएलएनि बादिब्ला तालिबानआ कुन्दुज सहरआव माखासे सरकारि न'फोरखौ दखल खालामदो, जायनि उनाव सरकारि सांथिफोरनाव उरां गाथोन आरो सांथि स्ट्रेसनफोराल' दंसै।

होयोब्ला बेवहाय मोनसे बाथ्राखौ गोदान नुनो मोन्दो। साखि एबा फोरमानखौ फोजोबसांनो थाखाय आइजोफोरखौ सावथायनाय जादो एबा बिसोरखौ बुथारनाय जादो। बेफोर गार्सेखौबो निर्भया जाथायनि उननिफ्राय बांसिन नुनो मोन्दो। बेनि जाहोनखौ आइनआव सोलायनाय होनानै मानिनाय जादो।

## थानाय 10 बोसोरफोराव आइजोफोरनि सायाव इनाय अनागार खालामनायनि जेंनाया 44 जौखोन्दो बांदो

गोदान दिल्ली, 9 आगस्ट: आर्थिखालाव बिजिरनाय मोन्नो हागोन। दिल्लीआव सासे गथ'नि सायाव इनाय-अनागार खालामनाय आरो बुथारनायनि के सआ सोराडाव फेदो। बे खेबआवबो माखासे दोलोआ जाथायखौ राजखान्थि आरो हारियायि महर होदो। जेब्लानो इनाय-अनागार खालामनाया सासे आइजोनि सायाव खालामनाय जायो बेयो बि

आइजोनि सायाव ल' खालामनाय जायो। बबेबा मोनसे हारि, धोरोम, आफादिनि सायाव नडा। बेबादियाव सावरायलायनाया इनाय-अनागार खालामनायनि ल' जानांगौ, जायजो भारतआव इनाय-अनागार खालामनाया समाजनिफ्राय जोबसाडा। एनसिआरबिनि बादिब्ला, थानाय 10 बोसोराव

आइजोफोरनि सायाव इनाय-अनागार खालामनायनि जेंनाया 44 जौखोन्दोसिम बांदो। 2010 निफ्राय 2019 नि गेजेराव भारतआव इनाय-अनागार खालामनायनि गार्से 3,13,289 केसखौ थिसन्दो। बेजो हादरआव आइजोफोरनि आधिखालनि थासारिखौ नोजेर होनो हायो। बावैसो समाव इनाय-अनागार खालामनायनि जाथायखौ नोजेर

होयोब्ला बेवहाय मोनसे बाथ्राखौ गोदान नुनो मोन्दो। साखि एबा फोरमानखौ फोजोबसांनो थाखाय आइजोफोरखौ सावथायनाय जादो एबा बिसोरखौ बुथारनाय जादो। बेफोर गार्सेखौबो निर्भया जाथायनि उननिफ्राय बांसिन नुनो मोन्दो। बेनि जाहोनखौ आइनआव सोलायनाय होनानै मानिनाय जादो।

होयोब्ला बेवहाय मोनसे बाथ्राखौ गोदान नुनो मोन्दो। साखि एबा फोरमानखौ फोजोबसांनो थाखाय आइजोफोरखौ सावथायनाय जादो एबा बिसोरखौ बुथारनाय जादो। बेफोर गार्सेखौबो निर्भया जाथायनि उननिफ्राय बांसिन नुनो मोन्दो। बेनि जाहोनखौ आइनआव सोलायनाय होनानै मानिनाय जादो।

होयोब्ला बेवहाय मोनसे बाथ्राखौ गोदान नुनो मोन्दो। साखि एबा फोरमानखौ फोजोबसांनो थाखाय आइजोफोरखौ सावथायनाय जादो एबा बिसोरखौ बुथारनाय जादो। बेफोर गार्सेखौबो निर्भया जाथायनि उननिफ्राय बांसिन नुनो मोन्दो। बेनि जाहोनखौ आइनआव सोलायनाय होनानै मानिनाय जादो।

# दिल्लीआव कभिड 19 नि होबथानाय आरो रेहायआ जि आर ए पिनि बादियै जागोन

गोदान दिल्ली, 9 आगस्ट : दिल्ली खेफोद सामलायग्रा अथ 'रिटि (डिडिएमए) आ रबिबाराव मोनसे बिथोन होनायाव बुछेदि, राजथवनि दिल्लीआव कभिड-10 नि थासारिखौ नोजोर होना नै जायखि जाया हाबाफारिया होबथानाय एबा रेहाय होनाया आथिखालनिफ्राय ग्रेडेड रेस्पन्स एक्सन प्लान (जिआरएफि) नि थि खालामनाय मानदाफोरनि सायाव बिथा खालामनानै सोलिहोनाय जागोन। डिडिएमएया गासैबो जिल्लानि खुगिरिफोरनो बिथोन होदोदि, जिआएफि आर 'ज गाबनायफोरखौ थाबैनो गोहोम गोनाडै सोलिहोनाय जागोन। डिडिएमएया गासैबो जिल्लाफोरनो थांखि लानायाव मदत जगायना होनो थाखाय जीआरएफिआव फोरमायनाय कलार कडेड सिस्टेमनि गेजेरजो सानफ्रोमबो एलार्ट दैथायहरगोन। जिआरएफिखौ थांथाय 9 जुलाइयावनो लेडइ



राइज्यो बेंगिरि अनिल बैजलआ गनायथि हादोमोन। बेयाव मोनथाम मानदानाफोर जेरै दिल्लीआव इनफेक्सननि हार, गासै गोदान केस आरो भेक्सिन थाफानाय बर्डफोरनि जौखोन्दोफोरखौ नोजोर लाखिनाय जादो। यजनाआव बेफोर मान दानदाफोरखौ गुवारै नायबिजिनारनि उनाव मोनब्रै गावआउं जेरै- येल' अरेन्स, नीला आरो रेडनि एलार्ट आरो बेनि गोनांथार मानदानाफोरखौ आर'ज गाबनाय जादो।

डिडिएमएनि बिथोनआव बुंवावनाय जादोदि, होबथानाय एबा सिमा गोनां हाबाफारिखौ ग्रेडेड रेस्पन्स एक्सन प्लाननि थि खालामखानाय एलार्टनि थाखो बादियै जागोन आरो गोहोम गोबाडै उनि बिथोन मोनजासिम सोलिगोन। बेयाव बुंनाय जादोदि, बबेबा मानदानाया एलार्टनि थि खालामनाय थाखोसिम सौहैयोब्ला एलार्टनि बिथोन फोसावनाय जागोन एबा बेबादि थाखोनि सायाव सिमा गोनां

हाबाफारिफोर एक्टिभ जागोन। मख'नो गोनांदि सानैनिसमाव इनफेक्सननि हारआ 0.5 जौखोन्दो सिम सौहैयोब्ला आरो सानफ्रोमबोनि गोदान केसआ 1,500 सिम सौहैयोब्ला एबा 500 अक्सिजेन थाफानाय बेडफोर आबुं जायोब्ला, येल एलार्ट होनाय जागोन। नैथियाव इनफेक्सननि हारआ 1

जौखोन्दोसिम सौहैयोब्ला गोदान केसआ 3,500 सिम जाहैयोब्ला एबा गं 799 अक्सिजेन थाफानाय बेडफोर आबुं जायोब्ला नीला एलार्ट जागोन। गुबुन फार्सेथि जेब्ला इनफेक्सननि हारआ 2 जौखोन्दो बारलाडोब्ला गोदान केसआ 9,000 सिम सौहैयोब्ला आरो 1,500 अक्सिजेन गोनां बेडफोर आबुं जायोब्ला अरेन्ज एलार्टआव गोग्लैगोन आरो जोबथारनाय रेड एलार्टआ बयनिखुइबो जौसिनाव थागोन। जेब्ला इनफेक्सननि हारआ 5 जौखोन्दोनिखुइ बांसिन जागोन एबा गोदान केसआ 16,000 जाहैगोन आरो 3,000 अक्सिजेन थाफानाय बेडफोर आबुं जायोब्ला रेड एलार्ट होनाय जागोन।

# गाहाय मन्थिआ 10 आगस्टनिफ्राय उज्वला यजनानि नैथि खोलोबखौ इउपिनिफ्राय जागाय जेनसिगोन

गोदान दिल्ली, 9 आगस्ट : गाहाय मन्थि नरेन्द्र मदिआ 10 आगस्टनिफ्राय प्रधान मन्थि उज्वला यजनानि नैथि खोलोबखौ जागायगोन। बे समाव बिथाडा भिडिय कनफ्रेंसिजो उतर प्रदेशनि महबा जिल्लायाव मुलाम्फा लागिरिफोरनो गेस कानेक्सनबो हागोन। बेयाव गाहाय मन्थि उज्वला यजनानि मुलाम्फा लागिरिफोरजो बाथा सावरायगोन। मख'नो गोनांदि, उज्वला 2.0 आव एलपिजि कानेक्सननि अनगायै गिबि सिलेन्डरनि रिफिलिआबो फ्रि जागोन। बेनि अनगायैबो गेस चुल्हाखौबो फ्रियाव होनाय जागोन। लोकोसे यजनानि मुलाम्फा लानो थाखाय गोनां जानाय पेपार बार्कखौबो खम खालामना होनाय जादो।



अदेबानि बे खोलोबखौ मुलाम्फा लानो थाखाय राइज्योयारिफोर रेशन कार्ड आरो एड्रेस युफ जमा खालामनायनि गोनांथि जानाय नडा। आथिखालाव गोनांथि जानाय मख'फोर गावसोरनि थि आर'जलाइ होनायबो बे यजनानि मुलाम्फाखौ लानो हागोन। बेजो गाहाय मन्थिनि नोजोरिथिखौ आवगय होनायाव मदत मोनगोन।

सुनुनि बायदिब्ला, 2021-22 रांखाथि बोसोरव बे यजनानि गेजेरजो 1 कौटि एलपिजि कानेक्सन रान्को थाखाय आलादायै फान्ड होनायखौ जागायदोमोन।

# गाहाय मन्थि नरेन्द्र मदिआ किशान सम्मान निधीनि 9 थि किस्थिखौ फोसावदो

गोदान दिल्ली, 9 आगस्ट: गाहाय मन्थि नरेन्द्र मदिआ समबारखालि भिडिय कन्फारेन्सिनि गेजेरजो प्रधान मन्थि किशान सम्मान निधी यजनानि 9 थि किस्थिखौ फोसावदो। बे किस्थिनि गेजेरजो 9.75 कौटिनिफ्राय बांसिन आबादारिफोरनि एकाउन्टआव 19,500 कौटि रांखौ ट्रेन्सफार खालामनाय जादो। बे काबुआव मिरुनि आबाद मन्थि नरेन्द्र सिं तमारआबो थाफादेरदो। गाहाय मन्थिआ मुलाम्फा मोन्नाय आबादारिफोरजो बाथाबो सावरायदो। मख'नो गोनांदि, पिपेम किशान यजनानि गेजेरजो एकाउन्टआव मुलाम्फा मोनगिरि आबादारिफोरनो बोसोरफ्रोमबो 6 रोजा रां हसनाय जायो। बेखौ सिमां गाहाय मन्थि नरेन्द्र मदिआ 14 मेआव बे यजनानि 8 थि किस्थिखौ फोसावदोमोन। एकाउन्टआव राज हाबदोना हाबाखे बेखौ मिथिनो थाखाय <http://pmkisan.gov.in> वेबसाइटआव नायनो हागोन। बेनि



एकाउन्टआव ट्रेन्सफार खालामनाय जायो। बे यजनानि गेजेरजो दासिमआव 1.38 लाख कौटि रांनिफ्राय बांसिननि रांखाथिखौ आबादारिफोरनो दैथायहरनाय जाखांबाय। बेनि सिमां गाहाय मन्थि नरेन्द्र मदिआ 14 मेआव बे यजनानि 8 थि किस्थिखौ फोसावदोमोन। एकाउन्टआव राज हाबदोना हाबाखे बेखौ मिथिनो थाखाय <http://pmkisan.gov.in> वेबसाइटआव नायनो हागोन। बेनि

उनाव आगदा फार्से सराव फार्मास कर्नरआव क्लिक खालामनानै नायनांगोन। जाय पेजआ खुलिगोन बेवहाय मुलाम्फायारिनि स्टेटसनि अप्पन फैगोन, बेवहाय क्लिक खालामनांगोन। बेवहाय क्लिक खालामनाय लोको लोको मोनसे गोदान पेसआ गेवगोन। बेवहाय गाव गावनि आधार नम्बर एबा मबाइल नम्बरखौ होनाय लोको लोकोनो रांखाथिखौ मोनगोन ना मोनाखे बेखौ मिथिनानै लानो हायो।

# अबिसि बिलनि उनाव 50 जौखोन्दो सैरैखाथिनि सिमाखौ फोजोबनो दाबि दैखानो हागौ बैरेखा दोलोआ

गोदान दिल्ली, 9 आगस्ट : राइज्योफोरनो सैरैखाथिनि होनो थाखाय अबिसि फारिलाइ थियारि खालामनो मोन्थाय होनाय संबिजित सोदांनय बिलखौ दिने मिरु सरकार लकसभाआव दिन्थिगोन। महारास्ट्रआव माराठाफोरखौ अबिसिआव लाफादेरनानै सैरैखाथि होनो थांखि लानायनि सायाव सुप्रिम कर्टआ होबथादोमोन। आथिखालाव बिसोरनि कटानि थाखाय बियो गोदान बिलखौ लाबोनो नागिरदो। बेजो हादतनाडै अबिसि थाखोनि सैरैखाथिनि थाखाय लामाआ ओंखारगोन। नाथाय आथिखालाव बैरेखा दोलोनिक्राय सैरैखाथिनि 50 जौखोन्दो सिमाखौ बोखारना होनो दाबि दैखानो हागौ। कंग्रेसआ 127 थि संबिजित सोदांनय बिलखौ हेफाजाब होनो इसारा होदो। कंग्रेसजो लोकोसे माखासे दोलोफोरबो सैरैखाथिनि 50 जौखोन्दो सिमाखौबो बोखारना होनो दाबि दैखानो हागौ। माखासे अबिसि फर्सथानआ गोबाव समनिफ्रायनो सैरैखाथिनि थाखाय 50 जौखोन्दो सिमाखौ बोखारना होनो दाबि दैखानो बोबाय थादो। महारास्ट्रनि राजखाथिआवबो गोदान बिलखौ लानानै दावराव-दावसि जादो। सिपम उद्वब ठाकरेजो लोकोसे एनसिपि आरो कंग्रेसनि माखासे दैदेनगिरिफोरबो बे गोदान बिलखौ लानानै जथुमा खुंदोमोन। मख'नो गोनांदि माराठा कटाखौ सुप्रिम कर्टआ बोखारना होनानै बुंदोमोनदि, बेयो 50 जौखोन्दोनि सिमाखौ सिफायो।

# मिरु सरकारआ लक सभायाव कनस्टिटुसन एमेन्डमेन्ट बिलखौ थिसनबाय

गोदान दिल्ली, 9 आगस्ट: मिरु सरकारआ समबारखालि लक सभायाव संबिधान सोदांनय बिलखौ दिन्थियो, जायनि गेजेरजो राइज्यो सरकारफोरा गावसोरनि अबिसि लिस्टखौ बानायनो मोन्थाय मोनगोन। लकसभायाव मिरुवारि मन्थि डु ब्रिरेन्द्र कुमारआ 129 थि संबिधान सोदांनय बिलखौ दिन्थियो। बे 127 थि संबिधान सोदांनय बिलनि सायाव कंग्रेसजो लोकोसे मोन 15 बैरेखा दोलोफोरा मदद खालामो। राइज्यो सभायाव बैरेखा दोलो आरो कंग्रेसनि दैदेनगिरि

मल्लिकार्जुन खड्गे आ फोरमायनाय बादिब्ला, अबिसि फारिलाइयाव मुंखौ सोपानाय मोन्तायखौ राइज्योनो होनाय बिलखौ गासै बैरेखा दोलोआ मदद खालामगोन। मिरु सरकारआ दिने गोलोम बोथोरनि जोबथा सप्ताह मोनसेनि सिमां 127 थि संबिधान सोदांनय बिलखौ दिन्थियो। मख'नो गोनांदि, बे बिलआ पास जानायनि उनाव राइज्योफोरव गावसोरनि अबिसि लिस्ट खालामनायनि मोन्थाय तागोन। बावैसो समनि सायाव बिजिफिफिनो आर'ज गाबदोमोन।

बेनि सिमां सुप्रिम कर्टआ बे बोसोरनि 5 मेआव बुंदोमोनदि, मिरु सरकारल' गुबुन अबिसिनि फारिलाइखौ बानायनो हागोन। बेखौ मिरु सरकारआ हेंथा होदोमोन। आथिखालाव सुप्रिम कर्टनि बे थांखिखौ सरकारआ संबिधान सोदांनयनि गेजेरजो उल्था खालामबाय। सुलुडाव फोरमायनाय बादिब्ला, सुप्रिम कर्टआ थांथाय दानआव मिरु सरकारनि बै आर'जलाइखौ नेवसिगारदोमोन। जेराव सरकारआ कर्टखौ थांथाय 5 मेआव पोसावनाय तांखिनि सायाव बिजिफिफिनो आर'ज गाबदोमोन।

# महारास्ट्र, मध्य प्रदेश, राजस्तान, बिहार आरो हिमाचल प्रदेशनि 8 लाख हेक्टर हानि आबादआ सिलिखार जादो

गोदान दिल्ली, 9 आगस्ट: हादरनि माखासे बाहागोफोरा आथिखालाव दै बानाजो मोगा-मोगि जानांगासिनो दड। भारतयारि बोथोर बिगियान बिफाननि बुंनाय बादिब्ला, फैगौ 4-5 सानसिमआव सान्जा हिमालयनि माखासे

बाहागोफोरव गोबां अखा हानो हागौ। बेयाव सोनाब बंग, सिक्किम, सा-सान्जानि गुबुन राइज्योफोर दंफायो। लोकोसे उत्तराखण्ड, उत्तर प्रदेश, बिहार आरो झारखण्डनि माखासे बाहागोफोरवबो एसे अखा हानो हागौ। बिफाननि बादिब्ला,

फैगौ 24-48 घन्टानि गेजेरव मौसुमि बोथोरनि ट्राफ लाइनआ हिमालायनि तलहटीनि खाथियाव सिफ्ट जानो हागौ। लोकोसे सा-सान्जा मध्य प्रदेशआव चक्रवात बारनि ओन्सोलोव सोमजिनो हागौ, जायजो बेयावबो अखा हानो हागौ। गुरुग्रामनि नरसिंहपुरआव थांथाय रबिबारखालि गोबां अखा हायो। जायनि उनाव दिल्ली-गुरुग्राम एक्सप्रेस वे सांथिसि रडआ दैयाव गोदोयो। बे खेबआव दै बानाया महारास्ट्र, राजस्तान, बिहार आरो हिमाचल प्रदेशआव थोंजोडै गोहोम खोखलैदो। बे दरबा राइज्योफोरव फसलआ सिलिखार जायो। बेयाव गामियारि ओन्सोलफोरनि 8,169 लामा आरो 12 निखुइ बांसिन दालांफोर सिलिखार जायो। बे दरबा राइज्योफोरनि गासै 550 लाख सुबुंफोरखौ रैखाथि गोनां जायगाफोरव

दोनहैनाय जाबाय। मध्य प्रदेशआवबो दै बानानि जाहोनाव गं 6 दालांफोरा बोहैलाखे। बेनि उनाव मुरेना आरो दतियाआव 46 रोजा सुबुंफोरखौ रैखाथि गोनां जायगाफोरव दोनहैनाय जायो। बेयावनि गवालिथर चम्बल संभागआव थानाय दरबै जिल्लाफोरव दर 479 गामिफोरव 80 रोजा हेक्टर हानि आबादआ सिलिखार जायो। महारास्ट्रआव दै बानाजो 11 रोजा कौटि रनि खहा जायो। महारास्ट्रआव बे दै बानाया दर 21 जिल्लाफोरव गोहोम गोग्लैदो आरो 4.35 लाख सुबुंफोरखौ रैखाथि गोनां जायगाफोरव दोनहैनाय जायो। बेसोरनि अनगायैबो राजस्ताननि दर 5 जिल्लाफोरव 4 लाख हेक्टर हानि आबाद आरो बिहारनि दर 15 जिल्लाफोरव थानाय 17 लाख थागिबिफोरनि सायाव गोहोम खोखलैदो।

गोदान दिल्ली, 9 आगस्ट: आसामनि गिबि मन्थि डु हिमन्त बिश्व शर्माया थांथाय समबारखालि गाहाय मन्थि नरेन्द्र मदिजो दिल्लीआव लोको हयो। बे समाव सानैजो आसाम मिजराय सिमना जेनाय सायाव सावरायो। शर्माया बे आयदानि सायाव आसाम बिजेपिनि एमपिफोरजो लोकोसे नख'र मन्थि अमित शाहजोबो लोको हयनो हागौ। बियो शनिवारनिफ्रायनो दिल्लीआव दहैयो। नाथाय माखासे जाहोनफोरनि जाउनाव दासिमबो लोको हयनो हायाखे। बेनि सिमां दरनैबो राइज्योआ जइन्ट स्टेटमेन्ट फोसावना नै गोजोन लाखिनायनि सायाव गनायथि होखांबाय। अदेबानि मिरु



सरकारआ राइज्योफोरखौ सावरायनायनि गेजेरजो जेनाखौ बोखानो बोसोन होदोमोन। स्टेटमेन्टआव दरनैबो राइज्योफोरा बुंदोमोनदि, बिसोर जेना गोनां ओन्सोलफोरव मिरुवारि सांथि हान्जानि पेट्रुलि खालामनायनि सायाव गनायथि होयो। मख'नो गोनांदि, आसामनि राजखाथि पाटि अल इन्डिया डेमक्रेटिक फ्रन्टनि आफादगिरि बदरुहिन

समबारखालि बेलासियाव अमित शाहजो लोको हयनो हागौ। आथिखालाव साहआ बिसोरजो लोको हयनायनि सम होयाखे। नाथाय बेलासि समाव मिटिनि थाखाय थियारियै थानो बिथोन होदो। थांथाय शनिवार हरावबो आसामआव सिमना जेनाय दोहोखौ नुनो मोन्दोमोन। बे हराव आसामनिफ्राय मिजरायआव थांथाय थानाय गारिफोरनि सायाव सा 400-500 सुबुंफोरनि होंगो-दोंगोआ हरखाबै गारलोबदोमोन। माखासे गारिफोरनि रलासफोरखौ बुफायदोमोन आरो 2 खावसे घन्टासिम ड्राइभारफोरखौ बुंदोमोन। बेनि उनाव ड्राइभारफोरा जिउखौ रैखा खालामनो खारदोमोन।

**LOST**  
I have lost my original B.A. 6<sup>th</sup> Semester Marksheet of Bodoland University bearing Roll No. UG 201A17013 and Registration No. 5350 for the year 2020. In case any body has found it, please inform me at the following address:-  
Mainaw Brahma  
D/o. Shibendra Nath Brahma and Lolita Brahma, Vill.- Lalmati.  
P.O.- Lalmati Tumbagan, Dist.- Kokrajhar, B.T.R., (Assam)  
Pin- 783332  
(M) 7638020596

## महर बोगोरि

महर बोगोरि आं बे मुगानि  
हागोनदा आखिनो-  
गोसो गोबोनि सान्नायखौ- ?  
सानो आं गोसोनि बाश्राखौ फोरमायनो  
सुबुं लैथोनि बिखायाव रान्ना होनो  
नाथाय सोर मिथिनो ?  
आंनि थुलिखानि रावखौ-  
सुबुंनि नोजोराव जीउ गैयै आं  
सैना दोन्नाय गंसे सावगारीसो  
रायदावगोन सोर आंखौ ?  
मिथि मोनगोन दा- ?  
थुलिखानि खायलें खुइलें बोनाय  
राव गैयै सावगारीनि गाबखौ ।  
नाथाय बेयावनो थाखोमादों  
गासै आंनि-  
सुखु-दुखु गाबनाय मिनिनाय मेंनाय-बानाय ।  
हे ! सुबुं माहारि-  
अन्नानै नाय नुनो मोनगोन  
सानानै नाय बुजिमोनगोन  
रायज्जायनानै नाय राव मोनगोन  
दानानै नाय साखाथियाव मोनगोन  
आगानफ्रोमबो दावगालानायाव  
आं थुलुंगा मोनगोन ।

पवित्र बसुमतारी ।  
कक्राझार मिउजिक एन  
फाइन आर्ट कलेज ।

## गोदान राइजोनि गिबि नुथाय

गोदान राइजोनि गिबि नुथाय  
गुसु बारनि गिबि बिलिरजेननाय,  
रान्दि आदुंगारिफ्रा मिनिग्लाबदों  
मानिबा दाहायाव मोदैबो हुगारदों,  
एभारेष्टसिम सौहैनायनि सिमांआव  
होलोखो बुदांआ आदार बिबायदों ।  
दैज्जां बोथोरनि एम्बु नेरनाय बायदि  
जैरैथिबो रिखादों भट हो, भट हो,  
हरखाब दैदेनगिरिफोरनि दुब्लियाव  
दालान, स्काइ स्क्रपार रजदों,  
सानगोहो सुबुंफ्रा आन्दायदों  
रानखांनाय सोलेरखौ सुगलायहोनो,  
बरफनि दामोलाव एरसोहैदों  
आरोबाव सानश्रहायै गोबां ।  
टिकादार बाबुफोरनि टिकादारि होनायाव  
बड'लेण्डनि रिउ-रिउ, खोल खोल  
जिनो रोडै गोरा लामायाव  
मोसौ गारि गंसे खारनायाव  
खुद्रिदों, हसिखावदों,  
आरोबाव सहायनो बेसेबां ?  
थारैनो बड'लेण्ड बिबार महर लानानै  
गेवलां गेवथां बारलां हांबाय,  
बेरे सिखिरिफ्राबो बाहां बिरहां  
बिदै सोबनो हांखुर जाखांबाय ।

रंगिना ब्रह्म  
कक्राझार फरायसालि

## निखावरिनि

फुंनि गोरलै सानजों लोगोसे सिखार फानानै  
फारनैबो खावलाइआव रानथाबनाय मोदै लानानै  
सासे उन्दै गथ' आं बबेयावबा थाबायलाडो,  
निखावरिनि मोदैआ रथ' रथ' बोहैलाडो ।  
अनसुला बिफाया गोसोआव बायदि मिजिं लानानै  
सानो फिसाखौ फेदेरनो फोरोंनो हाग्रायाव बन  
दाननानै,  
मानिबा दुखुआव मोदैनि थरथिंआ र' गलाडो ।  
निखावरिनि मोदैआ रथ' रथ' बोहैलाडो ।  
मैयानि हराव गथआ बिजाब फरायनानै  
दो उन्दुलांफ्लाडो साथिखौ खोमोरनो बावनानै,  
सिरि मोनफिनोबा थाबआ जोबनानै थायो,

## बर' सिखला

बर' सिखला  
हारिया नॉनानो गिदित  
दाथांनो बावगोमानानै  
गावनि मै-रं गाबनि महरखौ ।  
अनसुलि बैसोमुथि बिमा,  
सीता सतिनि नेरसेनखौ दाबावगारलां,  
हारिमुदनि बिमा जानानै  
दाग'संनो खोमसिनि हाख'राव ।  
गोजौ हाजोआव गसंनानै  
दिन्थिनो नाजानो जेब्लाबो  
नॉनि असे मुश्रिखौ ।  
दालाबो नों गोसोआव नेवसिनाय  
गावनि महर मुश्रिखौ लानानै,  
दासान नों मोजांसिनखौ मोननो  
सिखिरिनि गां फुवारनाय महरखौ नुनानै,  
दावराइ मोखेब, फारौ मेगन  
गानजों दानानै दखा ।  
सिखिरि मोसानाय, दावराइ मोसानाय  
एरनानै जोमनो सादोर  
मोसाफै नों बैसागु बोथोराव  
बा-गु-रु-बा'  
सिनायथों नोंखौ  
बर' सिखला होनानै ।

मिथिसार बसुमतारी  
गामि- 2 नं सियालमारी  
ला:सो:- सियालमारी  
जिला- कक्राझार बि टि सि आसाम ।

## सिमां

नुदोंमोन आं समायना मन्दिर लुनाय  
लुदोंमोनबो आं गंसे समायना मन्दिर ।  
गैया नाथाय फोसाबनो  
आंनि समायना मन्दिरा  
जानांबाय दिने सोमखे आंनि  
सिमांनि समायना मन्दिर ।  
जावदोंमोन आं गंसे जिउ दिड  
गुवार लैथोनि गेजेरजों  
नाथाय मेगन गोसा बार मोदायआ  
बुस्रोमना खोमाबाय आंनि  
आखायनि गंसेल' लोरगिखौ ।  
जानांबाय आं लैथो गेजेरनि  
लोरगि गैयै आनदायनाय दिडरि  
नुदोंमोन आं बिबारनि बागानाव  
बारसे समायना बिबार ।  
जादोंमोन आंनि गोसोआ,  
लुबैदोंमोन आंनि गोसोआ  
समायना नों बिबारजों लायनो  
नाथाय सोरगिदिं गसिबो.....  
गिलु बालु सुनि बेंनाय  
मात्रैहाय फोलावनो आखाय  
हायासै आं समायना बिबार नोंखौ लायनो  
हास्थायनाय जारिमिन सिमां महर जालांबाय ।

मिस रोमै मसाहारी  
कासिबारी ।

निखावरिनि मोदैआ रथ' रथ' बोहैलाडो ।  
बिमाया राइयो गथ'खौ रागा जोंफलांनानै  
थिनहरफ्लाडो लाइनो रां नागिरनानै  
मानिबा दाहाया बिमानि बिखाखौ सौगिललाडो ।  
निखावरिनि मोदैआ रथ' रथ' बोहैलाडो ।  
सोरनिबा दुखुआ सिफुं देंखो जानानै  
गाबलाडो अन्थाय बिखाखौ सिग्लाबहोनानै  
खबामा सिरियै गोमा लांखुमायो ।  
निखावरिनि मोदैआ रथ' रथ' बोहैलाडो ।

बिजय बसुमतारी  
गामि- कल'बारी ।

## रंजालि गथ' फोरनि सौरा

### मुंखलं जोहोलाव

थारैनो नों सासे जोहोलावमोन  
गावनि हादरखौ सिबिग्रा,  
गावनि जोनोमफुरि हादरखौ  
मोजां मोनग्रा जोहोलाव ।  
थै-थां जुजियै जुजियै हारिखौ  
खौसे लाबोनो नाजानाया थारैनो  
दंमोन नॉनि गोथार गोसोआव ।  
हानाय नड जों जेब्लाबो बावनो,  
बेबायदि हादर अनसुला जोहोलावखौ  
थास लाइनि जिउआ दिनैसिम  
आसखान्दा जादोंब्लाबो नॉनि  
मावफारि जोहोलाव जारिमिना  
अरायबो जॉनानै थाबाय थायो ।  
एना एनि जानो रोडैसुबुंजों  
हारिखौ खौसेआव जौहा होग्रा नों  
थारैनो नों मुंखलं जालांबाय ।  
हारि सिबिसुला जेरावबो आखा फाखा  
राफोद हारि सिबिसुला नों मावथि  
मेंनो रोडैबानो रोडैजिराया जासे  
नाजायो अरायबो मावनो सान हर ।  
बावनो हाया जों बे बायदि  
जोहोलाव फोरोंगुरुखौ ।  
मोदोमाव हारिनि थैखौ लानानै  
हारि अनसायनाया मेगन गोसा  
सुथुरजों नोजोर होजाना थारैनो  
अबथिरा जिउआव नों मुंखलं जालांबाय ।

मिस रंजालि बसुमतारी  
जायनारि गोजौ फरायसालि  
थाखो- 10 ( जि )

## दुखुथिया बिमा

मा एसे गाजि आयै नॉनि खाफालालाइ  
सानबाबो सानसनो हाया.....  
फारसैथं साननानै नाययोब्ला  
हारिसिडै गोबो खामगिललायनाय  
जुजायनि अर बायदि दोहो-दोहो..... ।  
खाफाल हमनानै थाथ' आयै.....  
सानसे समाव जों बिग्राय फारि फोरजों  
दानलाय...सुलाइ जिउ होनानैब्लाबो लुगोन जों  
हिमालय हाजोआव बेलदिं न' ।  
जांखि खांयो आयै बिग्राय फारिफोरा.....  
नॉल' दुफां बोथोरनि बार बायदि  
सिमब्रे-सिमब्रा हिउ-हिउ....  
बारनाय बारोजों बिरफानानै जावलिना जानो दासान ।  
मा एसे गाजि आयै नॉनि खाफाललाय ।  
बबेबा लैथोनिफ्राय फेनाय दै बाना बायदि...  
उलथांलाय फालथांलाय ।  
दासान नों आयै हारिसिडै जांखिखांनो माखासे  
आरमि पुलिसफोर बायदि ।  
जों दं आयै जों दं.....  
जेब्लाबो दासाननों आयै दासान...  
जेब्लाबो नॉनि मेगननिफ्राय गहोनो बबेबा जायागानिफ्राय  
फेनाय दैबानानि मोदै ।  
मा एसेबां दुखुथिया आयै नॉनि महरालाइ ।  
बिजिर- बिजिरनानै नायब्लाबो  
खुगायाव खुदै मेगनाव मोदै ।  
मा एसेबां दुखुथिया आयै बे उजिगासेयाव  
जॉनि जोनोमालाय । व

जाइखलं ब्रह्म  
फरायसालि-सानथिपुर गोजौ फरायसालि  
थाखो- गु ( 9 )  
ला:सो:-सान्तिपुर  
जिला-कक्राझार बि टि ए डि

## मोगथाडसो सिमां

जेब्ला आं सिरियै गोदोहाबो  
सानबोलावरिनि देरायाव  
अब्ला जाखांफैयो फिर फिरनो  
मोगथाड सिमां बादि  
सिग्लाबलाडो फारनैबो खावलाय ।  
गिसिखालाडो ज्राम ज्राम हाब्रां ।  
अब्ला आं आरो रासिननिफ्राय रासिन मिनिनिनो,  
गोसोनि मोदैखौ गोसोआवनो  
थाथोंसै साननानै-  
नाथाय गुबुनाय बान्दोनिनो  
महर लायो... ।  
सोंनाय फेयो.....  
बबे बिखाया बबे गोसोजों सहायखो ?  
माबोरै..... ?  
जिउआ जिउनिनो  
ना..... फोजोबग्रासो ?  
खासि बिधिनो.... ?  
बेखायनोसो नामा रजे  
सिमाड सिमां नड  
मोगथाडसो सिमां ?

मिस रंजालि गयारि  
इउ एन एकाडेमि

## फैफिन नों रजे

आंनि गोरा गोसोआव नों जेब्ला  
लुफावफेदोंमोन अन्नायनि फिथिखा  
नॉनि थार अन्नाया  
लासै गेलेम लांदोंमोन गोरबो बिखा ।  
जेब्लानों गोरबोनि लांदों मासियाव-  
साननैसोनि आलासि जाना जिरायनायाव,  
बुंनाय बैफोर नॉनि राव फावआ  
दड दाबोनो गोरबोनि दायरिफोराव रोखा रोखा ।  
दिनै सुथुरनि नाखेबनायाव-  
गोसोआ नॉनि आंनिफ्राय बेसेबा गोजानाव  
सुथुरखौ गियोब्ला  
मानोथो मोजां मोना सना ?  
गोसो सिखाव जानानै रजे  
मोजां मोनलायनायनि गाथोनाव दागेले ।  
नॉनि अन्नायखौ लानानै  
बावलांबायमोन आं दुखुनि सोमोन्दै,  
नाथाय नॉनि फोथाय खेबस अन्नाया  
दिनै सोमजिहोबाय गोरबोआव हांमा... ।  
नॉनि थाखाय सुजुनाय सिमाड  
सिमाडैनो गोमोरलांनयबाय सना,  
नोंखौ लानानै लुनाय मिजिंनि देरायावलाय  
सुथुरनि लुफावनाय अरा जॉब्लाडै फेबाय ।  
नों आंनि गोजान जादोंब्लाबो  
गोमोराखै रजे नॉनि सावगारिया गोरबोनिफ्रायनो ।  
सिमाड आंनि नॉनि थाखायल  
मोगथाडव नॉनि अन्नाय मोननायनिल ।  
गोरबोआव आंनो मोदैनि आगान होलांनानै  
आंनिफ्राय जानगारखो नों मा गोसो लानानै ?  
मैगिलनाय सोलेरखौ लानानै  
दड आं नोंखौनो नागिरबायनानै,  
नाथाय दिनै आंनि दावबायनाय लामायाव,  
गात्रफलांबाय आं सुनि बेहेराव ।  
आंथिनि सुखौ बखनानै  
सानदोंमोन आं आगान सुरफिननो गोदानै,  
नाथाय बखनो हायाखिसै आं रजे  
नाजाब्लाबो गले गले ।  
आंथिनि सुखौ बखनो-  
नों नडब्ला हानाय नड रावबो ।  
दड आं दिनै जग्रवनानैसो  
बे सुनि बेहेरावनो,  
थैजासिम बेवनो थाबाय थानानै  
नोंखौनो आं लामा नायबाय थासै ।  
माब्लाबा आंखौ गोसोखांफिनोब्ला  
अनसाय फैफिननो दाबाव सना  
बे लामाखौ सं दाननानै सानसे-  
आंनिफ्राय फैफिन नों रजे.... ।

मिस कयनालि बसुमतारी  
इउ एन एकाडेमि ( कक्राझार )  
थाखो- 10 ( जि )

( 1 बिलाइनिफ्राय )

( 1 बिलाइनिफ्राय )

( 1 बिलाइनिफ्राय )

## गसाइगावआव गोबां बिबांनि निसा बेसादजों लोगोसे साब्रै सुबुंखौं हमदों

गेजेरजों दासिम गोबां कौटि रंफोरनि गान्जा, ड्रगस आरो बायदि फेग्रा बेसादफोरखौं बोखानों हानायजों लोगोसे गोबां सुबुंफोरखौं हमनो हादोंब्लाबो दासिमबो रइज्योनि खना-खनला जायगाफोरव निसा मुवा फालांगि खालामनाया सोलिबाय थादों। बुब्लियावनो कक्राझार जिल्लानि गसाइगाव महकुमानि सिडव थानाय 31 नं राजा लामानि नागा सेकिंआव गसाइगाव पुलिसआ सिप्रोमनायनि गेजेरजों गोबां बिबांनि निसा बेसाद बोखानों हादों। पुलिसआ मोनसे संगालि सुलुंनिफ्राय मिबथिनो मोन्नायनि उनाव नागा सेकिंआव सिप्रोमनायनि गेजेरजों टिआर-07 बि-0467 नम्बरनि गंसे टियाग' गारिनफ्राय मोन 80 बटलनि कप सिराफखो बोखानों हानायजों लोगोसे साब्रै सुबुंखौं खानो हायो। पुलिसआ फोरमायनाय बादिब्ला बे कप सिराफफोरखौं दिल्लीनि आग्रानिफ्राय त्रिपुरसिम लानो नाजादोंमोन। हमजानाय साब्रैबो सुबुंफोर त्रिपुर रइज्योनि होन्ना नै पुलिस बिफानआ मिबथिहोदों।

## आसामाव फोसावबाय गोदान एस अ पि, कार्फिउ आयेननि समखौं खमायबाय

गासै खामानि मावग्रा जायगा, फालांगि फसंथान, रेस्टुरेन्ट, हटेल, रेजर्ट, धाबा, मुवा-बेसाद फानग्रा गलाफोर, कल स्ट्रेस, ग्रसारि, फिथाइ-सामथाइ, मैगं-थाइगं फानग्रा, स्वरुम बायदिफोरा रइज्योनाडै बेलारिसिनि 5 रिंगासिम खुलायै थागोन। इन्टर डिस्ट्रिक्ट थामहिनबा मोनसे जिल्लानिफ्राय गुबुन मोनसे जिल्लासिम दावबायारि रोगाग्रा हान्था-मेला सिबिथाय आरो सुबुंफोरनि थालाय-फैलाया सिगांनि बादि बन्दयैनो थागोन। नाथाय मुवा-बेसाद रोगाग्रा हान्था-मेलाया सोलिबाय थागोन। मख'नाय जायोदि, आसामाव दासान्दि कभिड-19 नि थासारि एसे मोजाडव फैफिफानाया हिसाबै बावैसो सानफोरनि उनाव रइज्योयाव लकडाउन बोखाराना उदाडै खुलिफिनो हासिमोनखौं मिजिंथिनो हाथाव। दासान्दि रइज्योयाव कभिड-19 नि गोदाने सन्देरनाय आरो थैनाय सुबुंनि बिसानआ बाडाइसिन जाबोगासिनो थादों।

## रन्जन दैमारि आरो गासै बारग' सोद्रोमाफोरखौं

### जोबथेसालिनिफ्राय उदां खालामनो दाबि

### सिमला ओन्सोलनि बारग' एन डि एफ बिफोरा

दाबि दैखानों। दिने मोनसे खौरंगिरि मेल खुंनारनि गेजेरजों सिमला हालामनि बारग' एन डि एफ बिफोरा सरकारनिसिम दाबि दैखाना नै फोरमायदोंदि, रन्जन दैमारिजों लोगोसे बारग' एन डि एफ बिनि सोद्रोमाफोरखौं थाबैनो हगारब्ला फैगौ समाव बारग' एन डि एफ बिफोरा सरकारनि हँथायै गोखों राहा लागोन आरो गोनां जायोब्ला ट्रेन लामा, राजा लामा होबथाफिन्यायनि थांखि लादों होन्ना नै सांग्रांथि होयो। बि टि आर गोरोबथानि उनावनो एन डि एफ बिनि गायसनगिबि आफादगिरि रन्जन दैमारि आरो जि बिदायमोनखौं न'निफ्राय हमना लानानै दिनेसिम उदां हगारिखौं सरकारनिसिम गोजोनाय मोने फोरमायो बारग' एन डि एफ बिफोरा। बेजों लोगोसेनो बि टि आर गोरोबथानि दफाबादियै बारग' एन डि एफ बिनि सोद्रोमाफोरनो गावसुंथा राहा होनाय आरो रांखांथि अन्सुंथाय होनायखौंबो थाबैनो मावफुंजोबनो थाखाय आथिखालनि बि टि आर सरकार आरो आसाम सरकारखौं खवलायहरो।

## सानसेनि हाबाफारिजों बिजनी दावबायदों बि

### टि आरनि गाहाइ प्रमद बर'आ

एरैहाय बिजनीनि सुबाइझार मडेल सरकारि देहा फाहामसालियाव आगान होनायनि उनाव उलुबारि गोजौ फरायसालि आरो पानबारि गोजौसिन गेजेर फरायसालियाव आगान होना नै फरायसालिफोरनि सायाव खौरां लायो। बल्लामगुरि भिबिडिसिनि सावराय नब्लाडव इडपिपिएल दोलोनि सोद्रोमाफोरखौं लानानै मोनसे मेलआव बिटिआरनि गाहाइ प्रमद बर'आ बुडोदि- कभिडनि थाखायनो जों हाबा मावनो हायाखैमोन। मावनो लानाय बायदि हाबा-हुखाफोर एवा बिथांखिफोरखौं मावनो जागायबाय। बे मेलआवनो मिथिहोनाय बादिब्ला 2021-22 माइथायनि गेजेराव निखाउरि नख'रफोरनो गं से लाख बा रोजा न' लुफुंन होगोन। बेनि थाखाय खामानि मावनाया जागायबाय। बे बोसोरनिफ्राय एम जि एन आर इ जि ए नि गेजेरजों हा खोनायनिल' हाबा मावालासिनो अंगनाबादि सेन्टारबो लुनायनि सान्नाय जादों। बेनि अनगायैबो एम जि एन आर इ जि ए नि मुलामफायारिफोरा सा 10-15 लोगो लानानै ना, दाव, अमा फिसिनो हागोन होन्नाबो बुडो बिथां बर'आ। गाहाइ मावफुं सोद्रोमा बिथाड बुंवावनाय बादिब्ला गंफ्रोमबो जिल्लायव जौसे बिधा हायाव इरि आबाद मावनाय जागोन, दानाय-लुनायनि थाखाय गोबां बिथांखि लानाय जाबाय आरो बेनि सायाव फोरोंथायबो होनाय जागोन। एरैहाय फरायसालि फोसावनायनि सायाव बिथाड बुडोदि- जायफोर फरायसालिफोरा बाजि बोसोरनि बारबाय बेफोर फरायसालिफोरखौं गिबियै फिन बानायफिन्याय एवा फोसावनाय जागोन। बेनि उनाव नैजिबा बोसोर जानाय फरायसालिखौं फोसावनाय जागोन आरो लासै लासै गासै फरायसालिफोरखौं फोसावनाय जागोन। बिटिआर सरकारआ से बोसोरव से लाख किल'ग्राम अमा दिहुनानै साप्लाड खालामनो बिथांखि लानाय जादों आरो 35 रोजा किल'ग्राम बोरमा बेदर थियारि खालामनोबो आबादारिफोरनो बिथांखि लानाय जादों। बेनि अनगायैबो थाम बोसोरव से खौटि दावदें बडलेण्डनिफ्राय गुबुनाव दैथाय हसनो बिथांखि थियारि खालामनाय जादों होन्नाबो मख'यो बिथां प्रमद बर'आ। बेराफारिंथि गाहाइ मावफुंगिरिआ रइजोफोरनि सिगाडव फोरमायना होयोदि- दिनेनिफ्राय सानफ्रोमबो नख'रथाम गोरिबथार नख'राव आगान होगोन। गोरिब सुबुंखौं अन्नाया सुबुंथनि मावनो गोनां हाबा। जों राजखांथि खालामनो नोथांमोननि सेराव फैयाखै। खामानि मावनोसो नोथांमोनजों फेदों। बिथाड मख'बावनाय जायोदि- बबेबा फरायसालिखौं फोसावनाय थाखाय जि लाखनि गोनां जानायव नैजि लाख रं लिरनानै हरो। बेनिखायनो फरायसालि फोसावनाय हाबाखौं गाहाइ फोरोंगिरियायो मावनो नांगोन। जौनि सरकारआव टिकाडारनि राजखौं सोलायना रइजोनि राज खालामनाय जादों। सिगां समाव अफिसफोराव टिकाडारनि अनगायै रइजोफोरा फैनो हायामोन। बेनिखायनो बे सिस्टेमखौं सोलायना अफिसफोराव टिकाडार नख साधारन सुबुंफोराबो फेनांगोन। रइजोबोबो सम होनांगोन अफिसारफोर। सप्ताहसेयाव थाम सानखौं अफिसाव हाबा मावना थाम सानखौं रइजोफोरजों थानानै हाबा मावनांगोन। बेनि थाखाय बिथोन होनाय जाबाय। बिथाड रोखायै बुडोदि फैगौ 6 दानाव गासै बिथिडव सोलायनायखौं नुनो मोनगोन। सानसेनि हाबाफारिजों बिजनी दावबायनाय समाव गाहाइ मावफुंगिरिजों लोगोसे दंफायोमोन बिटिआरनि लेडइ बुंथिगिरि अबराम महानाक, मावफुं सोद्रोमा रन्जित बसुमतारी, धनन्जय बसुमतारी, एमसिएलए प्रदिप कुमार बायनजों लोगोसे बिजनी नोगोर कमिटिनि मासिगिरि गुनेश्वर गयारी, पतिन बर' आरो गोबां दोलोनि दैदेनगिरिफोरा बाहागो लायो।

## बि जे पिजों बि पि एफआ जुथाय जानायनि सायाव जेबो रोखोमनि सावरायलायनाय

खुंफुंनो गोनां बियाबफोराव साफा-साफा बि जे पिनि गागि दैदेनगिरिनि दैदेननायव मोनपामोनाया कमिटि दानायनि बागैबो फोरमायनानै होयो कलिताया। भवानिपुर बियाबवबो बि जे पिनि देरहागोनआ रोखा होन्ना नै फोरमायनानै भवानिपुरनि एम एल ए फनि तालुकदारआ आगस्ट दाननि जोबथा समाव बि जे पि दोलोआव हाबगोन होन्नाबो बिथाड बुडो। बेराफारिंथि मोनब्रै बियाबनि थाखाय मोनब्रै बिसायखथियारि कमिटिखौं आसाम बि जे पिआ दानाय जादों होन्नाबो बिथाड बुडो। बिथाड बुडोदि बे बायदियै माजुलि बिधान सभा बियाबनि थाखाय सोल्लोथाइ मन्थि रनुज पेगुखौं लिंथुमगिरि महरै लानानै एम एल ए प्रदान बरुवाखौं लानानै गोबां गागि बि जे पिनि दैदेनगिरिफोरजों माजुलि बिधान सभा बियाबनि बाइ-इलेक्सन कमिटिखौं दानाय जादों। मरियनि बिधान सभा बियाबनि थाखाय पिजुस हाजरिकाखौं लिंथुमगिरि महरै लानानै, तामुलपुर बिधान सभा बियाबनि थाखाय मन्थि रन्जित दासखौं लिंथुमगिरि महरै लानानै, गसाइगाव बिधान सभा बियाबनि थाखाय असक सिंघालखौं लिंथुमगिरि महरै लानानै बिसायखनथि कमिटिखौं दानाय जादों होन्ना नै बिथाड बुडो। थाबैनो थाउर आरो भवानिपुर बिधान सभा बियाबनि थाखायबो बिसायख'थि कमिटि दानायनि हाबाफारिफोरखौं लानाय जागोन होन्ना नै बिथाड बुडो।

## कक्राझारआव टि बि बेरामनि सायाव खौरांगिरिफोरनि

### वार्कसप खुंदों

होनायाव खौरांगिरिफोरखौं हेफाजाब खालामनायनि थांखिजों खुंनार बे हाबाफारियाव लोगोसे टिबि बेराम आरो गुबुन गिथाव बेरामनि बागै खौरां दैथायनाय एवा बिलाइनायनि फारिं सावसिने मिबथिहोनायनि थाखाय कक्राझार जिल्ला थांखु होबथा सेलनि नडाल अफिसार डू कौसिक दासआ बाहागो लानानै खौरांगिरिफोरनि गेजेराव सुबुरुन होयो। बे हाबाफारियाव बाहागो लानाय गासैबो खौरांगिरिफोरनो जिल्ला टिबि अफिसार डू कौसिक दासआ बाहागो लानायनि गांफा-गांफा फोरमान बिलाइ गथायनानै होयो।

### माजबाटआव खुंगा 75 थि

### उदांस्त्रि सान खुंफुंनो थाग-

### थियारि जादों

फोरमायथियो। गासैबो मोनसे रोखोमनि बोसोन होयोदि कभिडनि नेम-खांथिफोरखौं फालिनायनि गेजेरजों खुंगा 75 थि उदांस्त्रि सानखौं समायना महरै खुंफुंनो बयबो गनायथिलायो। बे मालाव 39 नं पासनै सेरपां बियाबनि एम सि एल ए दिपक मौर, माजबाट जौगाखां खोन्दोनि बिबानगिरि सम्पक शर्मा, माजबाटआव तानाय मद्राज रंजिमेन्टनि बिबानगिरि राजेस कुमार, माजबाट पुलिस थानानि बिबानगिरि मिन्तु सन्दिक्के, माजबाट फरायसालिमानि गोरयुं डू परदिप कुमार शर्मा, जुनियर कलेजनि गोरयुं तिकेन उपाध्याय, माजबाट लेबार नायदिगिरि दैजि राय चौधुरी, माजबाट मोब्लिव डिभिजन बिबानगिरि आबुल मजिद, माजबाट सार्कल मावख'नि कानुनग' मंगल बसुमतारी, सार्कल मावख'नि हेफाजाबगिरि सरत बर' मोनहाबो बाहागो लादोंमोन।

### बासुगाव मिउनिसिपाल्टि

### मावख'आव मावफुं

### बिबानगिरिनि आंखालाव

### खामानिफोरा

जानायव जुलाइ दानाव सोलाय-सोल' जानायनि उनाव बि टि सिनि बिबानगिरिया दिनेसिमबो बासुगाव मिउनिसिपाल मावख'आव गोदान बिबानगिरि थिसनाखै होन्ना नै फोरमायो। सिगांनि मावफुं बिबानगिरिआ बि टि सिनि लोब्बा गोनां बिबानगिरिनो फोरमायथियानयनि अनगायैबो बासुगाव मिउनिसिपाल्टिआ गोदायै थिसनजानाय सिदली सार्कल बिबानगिरिनो बिबान होनायनि थाखाय फोरमान लाइखौं बि टि सिनि बिफानानि बिबानगिरिनो गथायनायनि उनावबो मावफुं बिबानगिरिनो बिबान होयैयाव मिउनिसिपाल्टिनि खामानिफोर थयथानानै थानो गोनां जादों होन्ना नै गाहाय हेफाजाबगिरिया फोरमायो। बेनि अनगायैबो बि टि सिनि लोब्बा गोनां बिफाना बासुगाव मिउनिसिपाल्टिनि फरसनाय कमिटिनि समाय खिर लानाय हाबाफारिखौं दोन'थाय मिउनिसिपाल्टिनि खामानिफोर बन्द' जादों। बि टि सिनि लोब्बा गोनां बिफानखौं बासुगाव मिउनिसिपाल्टिआव थाबैनो बिबानगिरि थिसनो होनो खवलायहरो।

## आसाम-मिजराम सिमा जेंना आयदाखौं लानानै गिबि मन्थि शर्माआ गाहाय मन्थि मदिरखौं

जाथाय सोमजिनयनि उनाव देरसिन जेंना महर लानाय बे आयदया दासिम आबुडै बोसांजायाखै। बबेखानि बे जेंना आयदाखौं लानानै दासान्दि दरनै रइज्योनि थान्दैफोरजों लोगोसे मिरुनि दैदेनगिरिफोरजोंबो जेंना बोसांनो थाखाय सावरायनाटया सालिगासिनो। आसामनि गिबि मन्थि डू हिमन्त बिश्व शर्माआ बे सिमा जेंना आयदानि सायाव गोनांथि होना नै जेंना बोसांनयनि राहा दिहुनयनि सायाव सावरायनो थाखाय हादतनि गाहाय मन्थि नरेन्द्र मदिरखौं लोगो हमनानै सावरायलायदों।

सावरायलायनाय बुब्लियाव गिबि मन्थि शर्माआ आसाम-मिजराम सिमाजों लोगोसे गुबुन नसुंसे रइजयोफोरजों सिमा आयदानि सायावबो गुवारै सावरायलायनानै माब्रैबा बे सिमा जेंना आयदाखौं बोसांनो हागोन बेनि सायावबो गाहाय मन्थि मदिरजों सावरायलायनाय जायो।

बेराफारिंथि गाहाय मन्थि मदिरा मिजरामजों लोगोसे नसुंसे रइजयोफोरजों सोमजिनय जेंना आयदाखौं दिदोमथि गोसो लानानै दबथायबोनाय आरो गोजोनै लाखिबोनायनि थाखाय आसाम सरकारखौं बाख्नायनानै आसाम-मिजराम सिमा जेंनाखौं बोसांनयनि बेलायाव मिरु सरकार नांगौ रोखोमनि हेफाजाब हागोन होन्ना नै खोथा होयो। लोगोसे आसामाव उतखारि, ड्रगस, फेग्रा बेसाद आरो समाज बेरेखा खामानिफोरनि हँथायै सरकार जाफुंसार खामानि मावनो हानायनि थाखायबो गाहाय मन्थि मदिरा आसाम सरकारखौं बाख्नायो।

दिने गाहाय मन्थि मदिरखौं लोगो हमनाय समाव गिबि मन्थि शर्माजों लोगोसे आसामनि बिजेपिनि एमपिफोरबो दंफायोमोन।

## लाइलापुरआव मिज'रामनि हँथायै लानाय रांखांथियारि होबथानायखौं बोखारबाय

होबथानाय हाबाफारिखौं बोखाना लानो खवलायो। कासार जिल्लानि जिल्ला बेंगिरि आरो पुलिसनि एस पिखौं लानानै सानैने मन्थिफोरा ओन्सोलनि सुबुंफोरखौं बे रांखांथियारि होबथानाय हाबाफारिखौं बोखानो खवलायनायजों लोगोसे सिमा साखांथि ओन्सोलाव फिन गोजोन थासारि लाबोफिननो थाखायबो खवलायहरो।

मन्थि परिमल सुक्लबैद्यआ गुबुन गुबुन सरकारि नडै फसंथान, ओन्सोलनि लुबुं, सिलसर ट्राक सालायगिरि आफादनि जथुमाव बोसोन होयोदि ओन्सोलनि सुबुंफोरनो रैखाथि होनो थाखाय बिसोहा बिबान दं। बे बिथिडव गासैबो रोखोमनि राहाफारिफोरखौं लानाय जागोन होन्ना नै बिथाड बोसोन होयो। बेनि सिगां थानाय रबिबाराखलि बराग भेलनि सा 14 एम एल ए फोरजों हाग्रा बिफाननि मन्थि परिमल सुक्लबैद्यआ सावरायलायो। सानैबो मन्थिफोरा खवलायहैनायनि उनाव ओन्सोलनि सुबुंफोरा रांखांथियारि होबथानाय हाबाफारिखौं बोखांफिनो। बेनि उनाव रैखाथिनि गेजेरजों आसाम पुलिसआ लाइलापुरनिफ्राय मिज'रामसिम ट्राकफोरखौं बारहोयो।

मन्थि सिंघालआ ओन्सोलनि सुबुंफोरनि सिगाडव फोरमायोदि थानाय 26 जुलाइखालि सोमजिनय जाथायनि सायाव नायबिजिनय जागोन होन्ना नै बिथाड बोसोन होयो। बेनिखायनो फैगौ समाव सिमा ओन्सोलाव जेबो रोखोमनि हँथा सोमावसारनाय एवा दुंहाव थासारि सोमजिहोनो नाड होन्ना नै बिथाड खवलायहरो।

### तामुलपुरआव लामानि जाब्रबथायजों बि जे

### पिनि दैदेनगिरिनि जिउ खहा

गोमायो। जाथायाव जिउ गोमानाय बि जे पिनि दैदेनगिरिखौं बाक्सा जिल्ला बि जे पिनि लेडइ आफादगिरि जामिनि स्वर्गियारी (55) होन्ना नै सिनायथिदों। मिथिनो मोन्नाय बादिब्ला दिने फुंनि समाव तामुलपुर महकुमानि कसुबारिआव गायसनजानो गोनां तामुलपुर मेडिकेल कलेजनि जायगाखौं नायगिदिनो थाखाय रज्योनि सावस्त्रि मन्थि केसब महन्तनि मोनसे हाबाफारियाव बाहागो लानो थाखाय जामिनि स्वर्गियारीआ थादोंमोन। नाथाय मन्थिआ फैनो गोनां हेलिकप्टरार जेंना नुजाथिनयनि जाउनव खुंनो गोनां हाबाफारिखौं बोखारफिन्यायव स्कुटिजों न' फारिं गिदिबोफिन्याय समाव रडिया-भुयान लामाजों भुयान फारिं थांबाय थानाय गंसे मोन 16 साखा गोनां पि बि 10 सि जेड 9091 नम्बरनि गंसे ट्रेइलार ट्राकआ उनफारिंनिफ्राय स्कुटिखौं सौखालाडो।

जाउनव ट्रेइलारनि सिडव हाबलांनय जामिनि स्वर्गियारिआ गोब्राबै जोखोम जानार्याँ लोगोसे स्कुटिखौं सालायबोनाय बिथानि फिसाजोआबो गोब्राबै जोखोम जायो। जाथायनि बागै मिथिनाय लोगो लोगोनो तामुलपुर पुलिस, ओन्सोलनि बि जे पिनि मावथि आरो नखरनि सुबुंफोरा जोखोम जानाय सानैखौंबो तामुलपुर गुदि देहा फाहामसालियाव थिसनहैयोब्लाबो जामिनि स्वर्गियारीखौं गोब्राब थासारियाव जौगा फाहामथायनि थाखाय गुवाहाटीसिम लांवाय थानाय समावनो जिउ गोमायो।

गुबुन फारिंथि जाब्रबथायकौ सोमजिहोनायनि उनावनो ट्राकआ जायगानिफ्राय खारखुमा लाडोब्लाबो कुमारिकाता पुलिसआ ट्राइलारखौं हमनो हायो। तामुलपुरनि भकतपाराजि थागिबि जामिनि स्वर्गियारीआ बाक्सा जिल्ला बि जे पिनि बारग' पादगिरि लव राम स्वर्गियारीनि बिसिमोन। बाक्सा जिल्लानि बि जे पिनि सासे गोखों मावथि महरै सिनायथिजानायजामिनि स्वर्गियारीनि जिउ गोमानायव बि टि सिनि गाहाय मावफुं सोद्रोमा प्रमद बर', एम सि एल ए हेमन्त कुमार राभा, बाक्सा जिल्ला बि जे पिनि आफादगिरि-नेहाथारि राम दाहाल, राजेस बर', तामुलपुरनि बारग' एम एल ए मिनुवेल मुसाहारी, बि टि सिनि बारग' मावफुं सोद्रोमा देबेन बर', तामुलपुर मन्डल बि जे पिनि नेहाथारि नबर सेत्रि मोनहा गोथौ दुखु मोन्नाय फोरमायो।

### बाक्साआव उदांस्त्रिनि अमृत महत्सव खुंदों

दिलिप हाजरिका, एम एल ए माजेन्द्र नाजरी आरो लेह' राम बर', गागि थुनलाइगिरि-खौरांगिरि हेमन बराहाइ आरो लक्ष्मीनन्दन बरानि रंसारि जालांनयाव दुखु मोन्नाय फोरमायो। हाबाफारियाव लोगो गाहाय इन्जिनियर अभय चन्द्र डेका, सुप्रिटेन्डेन्ट इन्जिनियर चन्दन शर्माखौं लाफानानै बिफाननि गोबां बिबानगिरि-मावफारियाफोरबो बाहागो लादोंमोन।

# करना भाइरासनि जाहोनाव 10,000 उन्दैफोरा फरायसालियाव मुं थिसनो हायाखै

गोदान दिल्ली, 9 आगस्ट: करना भाइरास इन्फेक्सनआ सोल्लोथाय, सावस्त्रिजों लोगोसे गोबां बिथिडव धोनि आरो निखावरिफोरनि गेजेरव गिदर फरागथिखौं सोराडव लाबोदों। अमेरिकायाव 10 लाखनि बांसिन उन्दैफोरा फरायसालियाव मुं थिसनो हायाखै। बयनिखुडोबो बांसिनै 6 थि थाखोनि उन्दै गथ'फोरा गोहोम गोग्लैदो। बे बिथिडव बांसिन दावख्लायनायखौं किन्डार गाडैन फरायसालिफोरव नुनो मोन्नाय जादों। सरकारि अन्जिमा बादिब्ला, बेयाव 3,40,000 उन्दैफोरा मुं थिसनयनिफ्राय जानगार जानादों। निडयकं टइम्स आरो स्टेनफर्ड इन्विभासिस्टिनि गं 70 रोजा सरकारि फरायसालिफोरव नायबिजिनयाव किन्डार गाडैननि सावगासिया सोराडव फेदों। खौरनि बादिब्ला, 2020 आव रइजयोफोरनि 10 रोजा किन्डार गाडैन फरायसालिफोरव 20 जौखोन्दो उन्दैफोरनि मुं थिसनयाय गोहोम गोग्लैदों। 2019 आरो 2018 आव बे बादि दावख्लायनाया खालि 4,000 फरायसालिफोरवल' जादों। बयनिखुडोबो बांसिन दावख्लायनाया निखावरि रेखानि गाहायाव थानाय एवा बेनि खाथि-खालानि ओन्सोलफोरव जादों। बेबादि ओन्सोलफोरव हादतनि गुबुन बाहागोफोरजों रुजुनायाव 28 जौखोन्दो बांसिन दावख्लायदों। साभेजों लोब्बा गोनां स्टेनफर्ड ग्रेजुएट स्कुलनि प्रफेसार थमस डीआ बुंदों बेबादि थासारिखौं लानानै गावसोर जिगा सिदों। सरसन्थायै एडमिसन खालामनायाव दावख्लायनायाव



अनलाइन सोल्लोथायनो बिफाव दड। रिपर्टनि बादिब्ला जाय जिल्लाफोरव सोल्लोथाय होनाया आबुं जादों बेफोरव 24 जौखोन्दो दावख्लायदों। सहरनि फरायसालिफोर जेराव निखावरि थाखोनि फरायसाफोरा सोल्लोथाय लायो, बेफोर ओन्सोलाव गोबाव समसिम बन्द जाना थादों। करना सन्देरनायनि समाव अनलाइन सोल्लोथाया सुबुंफोरनि गेजेराव रांखांथि समानथि गैयैखौं सोराडव लाबोदों। फरायसालिफोरव आइस सन्देरनायनि जिगाजों माखासे बिमा-बिफाफोर दैदेनगिरिफोर, बिबानगिरिफोर आरो फोरोंगिरिफोरनि इडनियनआ खेंसालिया सोल्लोथाय एवा अनलाइन सोल्लोथायखौं हेफाजाब होदों। जर'खायै माखासे उन्दैफोरनि बेरामनि फारिं सांग्रांथि होदों। फरायसालिफोरव बन्द थानायनि जाउनव उन्दै गथ'फोर आरो बिसोरनि नख'रनि सायाव बे सोल्लोथाय बोसोर गोहोम गोग्लैदों। मोनसे संबंजिनय बादिब्ला फरायसालियाव सोल्लोथाय होनाय फरायसालिफोरनि फरायसाफोरनिफ्राय अनलाइन एवा खेंसालियायै सोल्लोथाय लानाय फरायसाफोरा फरायनाय आरो सानखांथियाव जोबोद उन जादों। 2021 नि सोल्लोथाय बोसोर जागायनायाव प्लरिड, जर्जिया, लुडुसियाना आरो साकेरलिनयाव 60 जौखोन्दो किन्डार गाडैननि फरायसाफोरा फरायसालियाव फैनो हायाखै। गेजेर थाखोनि नख'रफोरा भाइरासनि गोहोमजों गथ'फोरनि रेखाथिखौं लानानै जिगा सिनादों। आथिखालाव डेल्टा भेरिएन्टनि जेंनाया बांनयजों सुबुंफोरनि गेजेराव जिगा सिनाया बांसिदों।

# अनुपम श्यामनि रुंसारि जानायाव माखासे स्टारफोरा बिबार बाउदों

गोदान दिल्ली, 9 आगस्ट: मुंदांखा फावखुंगुर अनुपम श्याम अझाया 63 बोसोर बैसोआव रुंसारि जाबाय। थासारिआ जेना गोनां जानायनि जाहोनाव फावखुंगुरखौ 6 सान सिगांनो गरिगावनि गंसे प्राइभेट देहा फाहामसालिनि आइसिइउआव थिसन्दोंमोन, जेराव बियो रबिबारखालि हरव जोबथा हां बोदों। सावथुन बानायगिरि अशक पन्डितआ ससेल मिडियाआव पस्ट शोयार खालामनाने बिनि रुंसारि जानायनि खौरां होदों। बियो लिरदोंदि, सावथुन आरो टिभि इन्डस्ट्रीआ मोनसे गिदिर खहा

जादों। अनुपम श्यामआ माल्टिपल अर्गेन फेलियारि जाहोनाव रुंसारि जाबाय। बिनि रुंसारि जानायनि खौराडा सोरडाव फेनायनि उनिफ्रायनो फेन्सफोरजों लोगोसे माखासे बलिउड आरो टिभि स्टारफोरा पस्ट शोयार खालामनाने बिनि बिबार बाउदों। उत्तर प्रदेशनि गिबि मन्थ्रि यगी आदित्यनाथआबो बिनि रुंसारि जानायाव दुखु मोन्नाय फोरमायदों। गिबि मन्थ्रि यगी आदित्यनाथआ ससेल मिडियाआव पस्ट शोयार खालामनाने लिरदों-मुंदांखा फावखुंगुर अनुपम श्याम अझा



रुंसारि जानाया दुखु गोनां जादों। आंनि दुखु मोन्नाया बिसोरनि नख 'रफोरजों लोगोसे दंफायो।

भगवान श्री रामनियाव आर'ज गाबोदि, रुंसारि जानायनि आत्मानो गावनि आधिजाव जायगा होयो आरो बिनि दुखु जानाय नख 'रनो आरो बाखायगिरिफोरसो दुखुखौ सहायनो हानायनि गोहोखौ होयो। अम शान्ति। फावखुंगुर मनज जशीआ पस्ट शोयार खालामनाने लिरदों। गावनि लोगो आरो गोहोम गोनां फावखुंगुर अनुपम श्यामनि रुंसारि जानायजों गोथौ दुखु मोन्दों। जों सासे मोजां सुबुंखौ खोमानाने लाबाय। नख 'रनि सुबुंफोरजों आं लोगोसे दड। यशपाल शमाया लिरदों-आं मिथिगौदि बियो आधिखालाव गैलिया। बेनि सिगां जों देहा फाहामसालिआव सौहैदोंमोन आरो बियो बै समाव हां लाबाय

थादोंमोन। उनाव डाक्टरआ बिखौ रुंसारि जाबाय होनाने फोसावदों। बियो 6 सानसिम देहा फाहामसालियाव थिसनजादों। बिनिआव हाइ ब्लाड शुगार दडमोन आरो गावनि जोबथा सावथुननि शुटिनि समाव इन्जेक्सन लायोमोन। दंखोगिरि मालिनीआ लिरदों-गोबां दुखु नांथाव बाथा। मोजां फावखुंगुर अनुपम श्यामआ गैलिया। अनुपम श्यामआ थांनाय बोसोरनिफ्राय गोबां बेराम जादोंमोन, बियो आंजों लाश्रिये सोमोन्दो लाखिबोदोंमोन। बेबादि गोसो गुवार फावखुंगुरनि रुंसारि जानाया गोबां दुखुनांथाव। अम शान्ति। अनुपमनि फेन्सफोराबो पस्ट शोयार खालामनाने बिनि बिबार बाउदों। सासे इउजारआ लिरदों-नोंथाडा अरायसम जोंनि गोसोआव थागोन। अनुपम श्यामआ बेनेगलनि सरदारी बेगमजों गावनि केरियारखौ जागायदोंमोन। माखासे मुंदांखा टिभि स्व'फोरनि बाहागो जाखानाय अनुपम श्यामआ दिल से, सत्या, शक्ति, हल्ला बल, दुश्मन, स्लामडग मिलियनेयारजों लोगोसे माखासे बलिउड सावथुनफोराव फाव खालामदों।

# गाहाम देहानि राहा

## लाइमोन बैसोयै थाबाय थानो हानायनि माखासे राहा

आधिखालाव बयबो सुबुंफोरा लाइमोन बैसोयै थाबाय थानो लुबैयो। आइजोफोरजों लोगोसे हौवाफोराबो लाइमोन बैसोयै थाबाय थानो लुबैयो। समयना नुनाय आरो लाइमोन बैसोयै थाबाय थानायनि मोनसेल राज दं। बियो जादों मोजां रोखोमनि जाग्रा आदार जानाय आरो नेमखान्थि बादिये जिउ खुनाय। जुदि बेफोराव बेलेन्स लाखिनो हायोब्ला गोबाव समसिम बोराय बुँरे नुनाय नड। माखासे संदाननायाव बै बाथाया रोखा जादोंदि, फिथाय सामथाय मैगं मैलानि अनगायैबो माखासे

बादि नुगोन। (2) किडनी बीन्स (राजमा) :- किडनी बीन्सयाव फाइभार आरो पटेसियामखौ गोबां बिबानि मोन्नाय जायो। बेयो देहा सोलेरनि वेड कलेस्ट्रलखौ

मोन्नो हायो। बेबादि चकलेटखौ जाब्ला फेटया बार्न जायो आरो बिगुर, खर'नि खानाया मोजां जायो। (4) ब्रकली :- ब्रकलीआव फाइभार आरो भिटामिन



जानगार खालामनायाव हेफाजाब होयो। हाटं बेरामनि थाखाय किडनी बीन्सआ गोबां मुलाम्फा गोनां। मोनसे संदाननायाव रोखा मोनथिनो मोन्नाय जादोंदि, किडनी बीन्स जाब्ला हाटं बेरामनि खैफोदआ गोबां गुन खम जायो। बेनि अनगायैबो किडनी बीन्सयाव गोबां बिबानि प्रटिन थायो जाय देहा सोलेरनि थाखाय मुलाम्फा गोनां। (3) डार्क चकलेट : जायखि रिजनेट खालामो। रिक्न सेल रिजनेट जानायाव मोखानि महरा ताजिम जायो आरो नोंथांखौ लाइमोन बैसोनि सुबुं

सिखौ मोन्नाय जायो। बेयो देहानि लिरथायखौ कन्ट्रल खालामनायजों लोगोसे हाटंनि बेरामखौबो जानगार खालामनायाव हेफाजाब होयो। (5) ब्लुबेरी : ब्लुबेरीयाव भिटामिन सिखौ गोबां बिबानि मोन्नाय जायो। बेजों थैनि साकुलेसनया थिकयै थायो। ब्लुबेरीयाव एन्टि मिनारेल मोननाय जायो जेराव बोराय बुँरि जानायखौ खाम खालामनो हानायनि गुन दं। ब्लुबेरीआव पटेसियामनि बिबांखौबो गोबां मोन्नाय जायो।

## शमिता शेड्ढिआव नख 'राव जेना सोमजिदोंब्लाबो बिग बसनि श्व'आव सोहैदों



मुम्बाइ, 9 आगस्ट : बिग बस अटिटरखौ जागाय खांवाय फावखुंगुरि शमिता शेड्ढिआ श्व'आव ग्रेन्ड एन्टि जादों। श्व'आव बिनि थाफादेरनायनि खौरांफोरा गिबियावनो फेदोंमोन नाथाय बिनि नख 'रआ जाय जेनाजों भुगिनादों बेखौ नोजोर होनाने बिनि सायाव श्व'आव बाहागो लायैखौबो आसा खालामनाय जादोंमोन। शमितानि थाखाय बेयो गोबां

गिदिर थांखिमोन। बेबादियाव बियो बिग बस अटिटरआव गावनि बेस्ट होनो नाजादों। शमितानि बिगुमै आरो शिल्पा शेड्ढिनि फिसाइ राज कुन्धया पन्रग्राफी केसआव जेलआव दड। बिग बसनि जौसाडाव जेब्ला बियो सौहैदों अब्ला बेनि सोमोन्दे बाथा सावरायदों आरो फोरमायदोंदि मानो गावनि थांखिखौ लाखिलांनय थादों। शमितया करण जहरजों लोगोसे जेब्ला

स्टेज सेयार खालामदों अब्ला बियो बेखौ मख'दों। बियो फोरमायदोंदि, गाब गिबियावनो कमिटमेन्ट खालाम खाबायमोन। गावनि जिउआव गोबां थासारिया सोलिदोंमोन नाथाय श्व'आव गाव बाहागो लागोनखौ लाखिलांनय थादों। शमितया बुंदों समआव मोजां जा, गात्रि जा, जेब्ला जों हां लानायखौ नागारा अब्ला मानो हाबाफारि मावनायखौ नागारो ?

## जाहनवी कापुरआ बाथटबआव अजय देबगाननि देंखोआव डांस खालामदों



मुम्बाइ, 9 आगस्ट: जाहनवी कापुरआ गावनि आखसा गेंजों लोगोसे गोबां रंजायो। बे फन ममेन्टसनि भिडियफोरखौ बियो गावनि फेन्सफोरजों लोगोसे शोयार खालामबाय थायो। बे खेबआव आरोबाव खनसे बियो मोनसे बाथटप आरो वाशरूमआव रंजनाय नुनो मोन्दों। एरेबादि हमदांनो हादोंदि, बियो गावनि हान्जाजों लोगोसे हटेलनि खथायाव थादों। बियो अजय देबगाननि सावथुन दिवानेनि देंखो कयामत'आव मिनिथाव पारफर्मेन्स होदों। जाहनवी कापुर आरो गावनि लोगोफोरनि गोमोथाव भिडियखौ पस्ट खालामदों। बे भिडियआव काजल अग्रवालखौबो लाफादेरदों। जाहनवीनि भिडियखौ बबेबा हटेल खथानि बायदि हमदांनो हादों। गासैबो कयामत देंखोआव मोसादों। जाहनवीखौ पीच गावनि अफ-शल्डर बडिडुआव नुनो मोन्दों आरो शावारनि हेन्डेल हमनाने बाथटपआव थादों। बाथटपआव बियो बेलेन्स लाखिनो हायाखे। बियो गावनि स्टेपसजों आबुं देंखोनि आंथिखौ सोलायदों।

## रणबीर सिं आरो अर्जुन कापुरनि फुटबल मेचनि माखासे सावगारि आरो भिडियआ सोराडाव फैदों

गोदान दिल्ली, 9 आगस्ट: रणबीर सिं आरो अर्जुन कापुरनि गेजेराव गोबां गोजाम लोगोनि सोमोन्दो दड। 2014 आव बिसोर सानैआ गुडे सावथुनआव फाव खालामखांवाय। बिसोर सानैआ गावसोर सानैनि इनस्टाग्राम पस्टआवबो गोमोथाव कमेन्टस खालामबाय थायो। बावैसो समाव बिसोर सा 2 नि माखासे सावगारिफोर आरो भिडियफोरा सोराडाव फैदों। बेफोरो फुटबल मेचनि। सावगारिफोर आरो भिडियफोराव रणबीरआ गोलांदां आरो अर्जुनखौ बिनि सायाव गंनाय नुनो मोन्दों।

रणबीरखौ अर्जुननि खावलायाव किस खालामनाय एबा बिनि खोमायाव माबा बुंनय बादि हमदांनो हादों। बे क्लिपसखौ नुनाने बिसोरनि फेन्सफोरनि बायदि रोखोमनि कमेन्टसआ सोराडाव फैदों। अर्जुन, रणबीरनि बे भिडियआव सासे इउजारआ कमेन्ट खालामदों। मा बियो किस खालामदों नामा ? आरोबाव सासेआ कमेन्ट खालामदों, उफ एसेबां गोबाव किस। उनावबो अर्जुनआ रणबीरखौ गोबानाय नुनो मोन्दों। रणबीरआ निल जासि गान्दोंमोन आरो खानाया हेबनाने लादोंमोन।

रणबीरखौ अर्जुननि खावलायाव किस खालामनाय एबा बिनि खोमायाव माबा बुंनय बादि हमदांनो हादों। बे क्लिपसखौ नुनाने बिसोरनि फेन्सफोरनि बायदि रोखोमनि कमेन्टसआ सोराडाव फैदों। अर्जुन, रणबीरनि बे भिडियआव सासे इउजारआ कमेन्ट खालामदों। मा बियो किस खालामदों नामा ? आरोबाव सासेआ कमेन्ट खालामदों, उफ एसेबां गोबाव किस। उनावबो अर्जुनआ रणबीरखौ गोबानाय नुनो मोन्दों। रणबीरआ निल जासि गान्दोंमोन आरो खानाया हेबनाने लादोंमोन।

# अमिताभ बच्चननि सावथुन चेहेरेआ थ्रिलार जनारजों लोगोसे मोनसे कसटिउम ड्रामाबो

गोदान दिल्ली, 9 आगस्ट: अमिताभ बच्चननि सावथुन चेहेरेआ थ्रिलार जनार जानायजों लोगोसे कसटिउम ड्रामाबो। सावथुननि कसटिउम डिजाइनार शिवान्क कापुरआ बे बाथानि खौरांखौ होदों। बियो बुंदों सावथुन चेहेरेआ आंनि थाखाय गोबां गाहाय प्रजेक्ट। बेयो बेनिखायनो गाहाय जादों मानोना बेवहाय अमिताभ बच्चन आरो इमरान हाशमी बायदि

गिदिर फावखुंगुरफोरा दड। लोगोसेनो गासै सावथुनआ गुसु बोथोरनि थासारिआव जादों। दिल्ली आरो मुम्बाइआव बेनि शुटिआ गरम बोथोराव जादोंमोन। बेबादियाव सावथुनखौ बे मोननै लकेसनफोराव न'फोर आरो स्टुडियआव फ्रीजि कल्ड बिदुडाव शुटि खालामनाय जादों। उनाव सल'वाकियानि गुसुआव सावथुननि शुटिआ



जादों। बेबादियाव मोनफ्रोमबो फावनि थाखाय गुसुनिफ्राय रैखाथि मोनग्रा कसटिउमखौ थियारि खालामदों। अमिताभ बच्चननि फावआ रिटायर्डलयार जानायजों लोगोसे मिजाजनिफ्राय गिदिर आर्टिस्टिबो सोलेंथाय लानाय आरो खन्थाइनि फासै गोसो गुदु सुबुं। बियो गावखौ समायहोरा मुवा-बेसादफोरखौ मोजां मोनो। शिवान्कआ बुंबावो,

बेबादिआव बिनि सि फ्रेन्स डिजाइनजों इन्सपाइर्ड जादों। सि-जोमआव कालार, टेक्सचरखौ जर'खा नोजोर होनाय जादों। बिनि सि-जोमनि कालारफोराव गावसो इटालीआव प्रचलित कालारफोरखौ इनकरपरट खालामदों। मख'नो गोनांदि, सावथुनआव अमिताभ बच्चनखौ गोबां फेसनेबल दिन्थनाय जादों।

## म्यानमारआव एटिएमनिफ्राय रं बख 'नो थाखाय अखानायसि 3 रिगानिफ्राय लारि थायो

गोदान दिल्ली, 9 आगस्ट : 6 दान सिगांआव सान्थिनि गेजेरजों खुथायखौ लानायनि उनाव म्यानमारआ गिदिर रंखांथि खैफोदजों मोगा-मोगि जानादों। बेयाव नोगोद रंनि आंखाल जादों। केस रं दिहुननो थाखाय एटिएमएआव अखानायसि समनि 3.30 रिगानिफ्रायनो लाइनाव गसंदों। बैंकफोराव सुबुंफोरनि होंगो-दोंगोखौ खम खालामनो थाखाय सायख 'खानाय एटिएमफोराव सानफ्रोमबो रं नटखौ सोनाय जायो। नाथाय सासे सुबुंआ 9,000 रंनि बांसिन बखनो मोना। रंखांथि आंखालनि गोहोमखौ जैरेबो नुनो मोन्दों। नोगोद रं आंखालाव सुबुंफोरा गोनान्थि जानाय बादि गोबां रं बखनो हाया। जाउनाव मुवा-बेसाद बायनायफोरा गोबां खम जादों। फालांगिरि फोराबो गाव गावनि मावसुमाफोरोनो एबा रं दाहार होग्राफोरनो आसोल



रंखौ होनो हायाखै। जमा रंखांथिनाय खम जानायनि जाहोनाव गोबां फालांगिरिफोरा डिजिटेल पेमेन्टनि बदलै नोगोद रं लादों। मख 'जाथावदि रंखांथि दालाल खालामप्राया 7 निफ्राय 15 जौखोन्दो कमिसनजों अनलाइन पेमेन्टनि

बदलै नोगोद रं हरदों। माखासे सान्थिनि गोबां थाखोनि बिबानगिरियाबो दालालफोरखौ रैखाथिबो होयो। आमेरिकानि कम्पनी वेस्टर्न इडनियननि दैथाय हरनाय रंखौबो सुबुंफोरा मोनो हायाखै। बेफोरखौ नोजोर होनानै जरखाफोरा सांग्रांथि सान्थिनि खुंथायाव सोनायनाय उनाव नुजाथिनाय हिंसायव सा 945 सुबुंफोरा जिउ गोमादों। बिसोरनि बांसिनासोसांथिनि गुलिजों जिउ गोमादों। सान्थिनि हेंथायै

सोमावसारनायनि जाहोनाव रंखांथि हाबाफारिया थाबथाना थदों। सान्थि खुंथाय सरकार अनलाइन पेमेन्टखौ होबथानायजों जेनाया बांसिन जादों। इन्टारनेटआ बन्द जानायजों सुबुंफोरा जेना जानादों। मख 'जाथावदि, गामियारि ओन्सोलफोराव नोगोद रंनि आंखालआ बांसिन जादों। आबादारिफोरा जाग्रा आदार, मैंग थाइगंजों सोलायनाय गुबुन जाग्रा मुवाफोरखौ लांनो गोनान्थि जादों। फार्सेथि हादतआव करना भाइरासनि गोहोमा बांबोनायाव सुबुंफोरा राहा गैयै जादों। सहरफोराव सुबुंफोरा अक्सिजेन बायनो थाखाय अनलाइन मटर साइकेल, केमेरा बायदि मुवाफोरखौ फानदों। अदेबानि नोगोराफोरनि हेंथायै सान्थिनि हिंसायारि नायबिजिरनायनि उनाव जार्माननि कम्पनी गीसेके डेबेरिन्टआव म्यामार्सो मार्च दानाव रं नट बानायग्रा मुवाफोरनि साप्लाइखौ होबाथादोंमोन। थानाय जुन दाननिफ्राय रंनि नटखौ चीननि लेखा बिलाइआव सेबखदों। सरकार बुंदों थाबैनो रं नटनि आंखालआ जानगर जादों।

## कभिशील आरो कभेक्सिननि मिक्स ड्रपजों इमिउनिटिआ बारायसिनो

गोदान दिल्ली, 9 आगस्ट : हादतआव करना भेक्सिननि मिक्सनि सायाव खालामनाय गिबि स्टाडीनि फिथाइखौ आइसिएमआरआ फोसावयो। बे स्टाडीआव बुंनया बायदिब्ला, कभेक्सिन आरो कभिशीलडनि मिक्स ड्रपजों करना भाइरासनि हेंथायै साबसिन रेखाथि मोनो। आइसिएमआरनि बायदिब्ला एडिन भायरास बेक्टर प्लेटफर्म भेक्सिन आरो इनएक्टिभेड हल भइरास भेक्सिननि मिक्स ड्रप जानाया रेखाथि गोनान्थि। बे मोनै भेक्सिननि आलादा आलादा ड्रपजों मोनसेल' भेक्सिननि मोनै ड्रपनि रुजुनायाव साबसिन इमिउनिटि मोनो। करना भेक्सिन मिक्सनि बे स्टाडीखौ आइटिएमआरआ थानाय मे जुननि गेजेराव इउपिआव खालामदोंमोन। अदेबानि डिजिसिआइनि एक्सपार्ट पेनेलआ कभिशीलड आरो कभेक्सिन मिक्स ड्रपनि स्टाडी खालामनो सुबुंरुन होदोंमोन। बेनि उनाव क्रिश्चियन मेडिकेल कलेज वल्लरनोबो भेक्सिन मिक्स ट्रायल ड्रपनि गनायथि होदोंमोन।



मख 'नो गोनान्दि, भेक्सिन आरो इनएक्टिभेड हल भाइरास भेक्सिननि मोनथाम गुपआव बोखावनाय जादोंमोन। आरो मोनफ्रोम गुपआव सा 40 सुबुंफोरखौ लाफादोंमोन। भेक्सिन थुनायनि उनाव गासै गुपआव सुबुंफोरनि सेफिट आरो इमिउनिटि प्रफाइलखौ रुजुना नायनाय जादों। कभेक्सिन आरो कभिशीलडनि मिक्स ड्रप लाग्रा सुबुंफोरनाव करनानि अल्फा, बीटा आरो डेल्टा भेरिन्टनि हेंथायै साबसिन इमिउनिटि मोनो। बे स्टाडीयाव मोन्याय बायदिब्ला, मोनसेल' भेक्सिननि मोनै ड्रप लाग्राफोरनि रुजुनायाव मोनै भेक्सिननि मिक्स ड्रप हाग्रा सुबुंफोरनाव बांसिन एन्टिबिड डडमोन। बे एडिन भाइरास भेक्टर प्लेटफर्म

## प्लस्टिकजों बानायनाय फिरफिलाखौ बाहायनो नाड : मिरु सरकार

गोदान दिल्ली, 9 आगस्ट : उदासि सान फोर्बेनि सिगां मिरु सरकारआ राइज्योफोरनो गोनान्थि बिथोन होदों। सरकारआ राइज्योफोरनि सिगडव बुंदों, ओरैबादि नेमखांथि बानाय नांगौदि, सुबुंफोरा प्लास्टिकनि माहारियारि फिरफिला बानाया। प्लास्टिकजों बानायनाय फिरफिलाखौ मोजां रोखोमै फोजोबसंनो हाया। मिरु सरकार मावख 'आ गामिबो राइज्योफोर आरो मिरुजों खुं जानाय राइज्योफोरनो बेनि सोमोन्दै गांसे लाइजाम लिरदों। लाइजामआव लिरदोंदि माहारियारि फिरफिलाआ हादतनि सुबुंफोरनि आसा खालामनाय आरो मिजिक थिनायखौ फोरमायो। बेनि थाखायनो जेब्लाबो बेखौ सम्मान होनांगौ। माहारियारि फिरफिलानि फार्से बयनिबो गोसोआव मोजां मोन्याय, सम्मान होनाय आरो फोथायनाय दं। नाथाय थेवब्लाबो माहारियारि



फिरफिलानि दिन्थिफुंनानयिन गनायथि होनाय आयेननि सोमोन्दैआव जांखिखानायखौ खम जानाय नुनो मोन्याय जायो। हारिसु आरो मेच खुंनानयनि खाबुफोराव लेखा बिलाइजों बानायनाय माहारियारि फिरफिलानि जायगायाव प्लास्टिकजों बानायनाय माहारियारि फिरफिलाखौ बाहायनाय जादों। प्लास्टिकनि फिरफिलाआ जैबिक महरै सेवलाडा। बेखौ थि रोखोमै

कुवैत, 9 आगस्ट : कुवैतनि सुलैबिया ओन्सोलआव बानायनाय मुलुगनि बयनिखुइबो देरसिन टायार फोरनि दामोलाव अर खामदों। बालाबारिखौ खुंरख 'नानै बानायनाय मोनसे गिदिर हाखरआव गासै 20 लाख टयार दड। 6 एकडुआव गोसारनाय बे जायाया अरनि बेंखनथायाव थदों आरो बेनिफ्राय सिखांनय उखुन्दैखौ अखांमाजोंबो नुनो हायो। सेटेलाइट सावगारिफोरावबो बे अर खामब्लाउनाया रिक्ड जादों। रिपर्टनि बायदिब्ला सुरैबियानि बे टयार दोन्थुमग्रा जायगाखौ टायारफोरनि बयनिखुइबो देरसिन दामोल बुंनय जायो।



मानिना लानाय जायोदि बे टायारआ कुवैत आरो गुबुन हादतफोरनि जायफोरा बेखौ लांनो थाखाय रंखांथिदों। डिस्पजलनि बिबानखौ गं 4 कम्पनीफोरनो होदों। फार्सेथि अर खामनायनि उनाव आथिखालाव बेबादि सिलिग्रा खालामग्रा मुवाफोरखौ गंसे बेबायदि हादतआव जमा खालामनायाव सांथि सिखदों जेराव बिदुंआ 50 डिग्रि

सेलसियासिसिम सौहैयो। फार्सेथि कुवैतनि सरकारआ 30 बोसोरफोरनिफ्राय जमा टायारफोरनि डिस्पजलखौ जागायबाय। रिसाइकिल खालामनायनि 95 जौखोन्दो

टायारफोरखौ बोखरनायनि यजना दड। 2012 आव कुवैतनि डाम्पआव टायारआ अर खामदोंमोन। मख 'नो गोनान्दि, माखासे हादतफोरनि थाखाय बाहाय खानाय टायारफोरनि डिस्पजलआ मोनसे जेना जादों। टायारखौ सावनायजों बारआव कारिसिनल 'जेनिक डाय अक्साइन्स ओंखारो। बेयो गहाम देहानि गोथौ जेनानि जाहोन जानो हागौ। ब्रिटेननि बाथ्राखौ बुडोब्ला बेवहाय बोसोरफोरनो हम्दाना लानाय बायदिगै गासै 486,000 टन टायार गारनाय जायो। गामिखौबो रिसाइकिल एबा गोदाने बाहायनाय जायो।

## सिमना जेनाखौ गोजोनै सुस्त्रानो नेपाल सरकारआ कमन मिनिमाम प्रग्राम फोसावदों

काठमान्डु, 9 आगस्ट: नेपालनि गहाय मन्थि शेर बाहादुर देउबाया भारतजों सिमनानि जेनाखौ गोजोनै सावरायलायनायनि गेजेरजों सुस्त्रानो हास्थायदों। बेखौ नोजोर होनानै रबिबानि मोनाबिलिआव पोसावनाय गां 14 बिलाइनि कमन मिनिमाम प्रग्रामआव बेलेन्स परेडन पलिसिनि बाथ्रा बुंदों। अदेबानि आगुनि केपि शर्मा अलीनि सरकारआ चीननि इरासायाव भारतजों सिमनानि जेनाखौ गिदिरसिन खालामनो नाजायोमोन। आथिखालनि नेपालनि मोन 5 दोलोफोरनि जुथाय सरकारनि बादिब्ला, भारतजों सिमनानि जेनाखौ राजथान्दैनि गेजेरजों सुस्त्रानो हागौ। बेलेन्स परेडन पलिसिनि हाबाफारिआ नेपालनि जुथाय सरकारनि आजवनाय मोनसे



नेमखांथि। नेपाली कंग्रेसनि दैदेनगिरि आरो कमन मिनिमाम प्रग्राम (सिएपि) नि बिबानगिरि पुर्णा काडकाया मोनसे हाबाफारिआव गां 14 बिलाइनि बिथांखिलाइ फोसावदों। बेयाव गहाय मन्थि शेर बाहादुर देउबा, सिपिएनि आपादगिरि पुथ्य कमल दहल प्रचन्द, जनता

सुस्त्रानो सानो। बेयाव कभिड-19 इन्फेक्सनखौ होबथानाय आरो सामलायनायखौ आथिकालनि जुथाय सरकारआ गावनि सिगांनो मावनांगौ हाबा होनानै बुडो। सरकारनि सिएमपिआ हारिमायारि रेखाथि नेमखांथिखौ सोलिहोनो। हारिमायारिनि हितफोरखौ रेखाथि होनाय आरो बै रादाय खानायफोर आरो गोरोबथाफोरखौ सुस्त्रानायावबो नोजोर होगोन, जायफोरा हारिमायारि हितनि बेरेखा। बेजों लोमोसेनो बेयो सुबुं खुंथाय, राइज्योनि एजेन्सिफोरजों लोमोसे गासैबो सरकारि मेसिनारिखौ रोखाथै आरो फिन्नाय होहोनो थाखायबो रेखा गोखों तांखि आजवनायनि गेरन्थि होयो होनानैबो जुथाय सरकारआ बुडो।

ढाका, 9 आगस्ट: पाकिस्ताननि उनाव बांलादेशआव आरो खेबसेबाव बाडाइ सुबुं सानखो हिन्दु फोलेरनि सायाव गाग्लोबदों। बे समाव मन्दिरफोरखौ नोजोर खोखलैनाय जायो। बेनि अनगायै हिन्दुफोरनि गं 100 न'फोरखौ अर सावनाथै होयो आरो लुथियोबो। अल इन्डिया रेडियआ बेनि खौरांखौ टिउटरनि गेजेरजों होदों। सुलुडाव फोरमायनाय बादिब्ला, थानाय शनिबार एबा 7 आगस्टखालि बांलादेशआव माखासे हाथियार लाग्राफोरा बाडाइ सुबुं सानखो थानाय हिन्दु फोलेरनि माखासे न'फोर, गलाफोरनि सायाव गाग्लोबो आरो गंभ्रै मन्दिरफोरखौबो बुफाय-बुसि खालामो। बे जाथाया बांलादेशनि खुलना



जिल्लानि रुपशा उपजिल्लानि शियाली गामिनि। बांलादेश हिन्दु इन्डि काउन्सिलआ गावनि टिउटर हेन्डलआव हाथियार लाग्रा इस्लामिक उतखारिफोरनि गेजेरजों मन्दिरआव बुफाय-बुसि खालामनायनि माखासे सावगारिफोरखौ शोयार

जायगानि देहा फाहामसालिआव फाहामथाय होगामिनो दड। बांलादेशनि माखासे निउज वेबसाइटआबो बे जाथायनि सोमोन्दै खौरां होदों। ढाका टिब्युनि बादिब्ला, बे केसआव दासिम सा 10 सुबुंफोरखौ हमनाय जाबाय। फुजा परिषदनि दैदेनगिरिफोरनि बादिब्ला, थानाय शुक्रबार हरनि 9.00 रिंगासोआव आइजो सिबियारिफोरनि हान्जाया सान्जा पारा मन्दिरनिफ्राय शियाली गोथै सावग्रा जायगामिसि ओंखारलादोंमोन। बिसोर लामायाव गंसे मसजिदखौ बारदोंमोन। बे समाव इमामआ जुलुसखौ हेंथा होदों। मोननै हान्जानि गेजेराव दान्थे-बिदान्थेआ लासै-लासै दावहानि महर लायो।

## टकिय अलिम्पिकआव सिल्भार मेडेल देरहानाय मीराबाइ चानुआ नख 'रजों लोगोसे जोनोम सान फालिदों

मनिपुर, 9 आगस्ट : टकिय अलिम्पिकआव भारतनि थाखाय गिबि मेडेल देरहानाय मीराबाइ चानुआ थोनाय रबिबाराव गावनि 27 बोसोरनि जोनोम सानखौ फालिदों। चानुआ गावनि नख 'रजि सुबुंफोरजों लोगोसे जोनोम सानखौ फालिदों। चानुआ ससियेल मिडियाआव लिदोंदि, गोबाव समनि उनाव नख 'रजों लोगोसे गावनि जोनोम सानखौ फालिनो मोन्नानै गोसोआव गोजोन्नाय मोन्दों। बे जोनोम सान फालिनायआ मख 'जाथाव जादों। मानोना अलिम्पिक मेडेलनि महराव गाव गिदिर बाथाखौ मोन्नो हादों। गावनि थाखाय मोजां हास्थायनायनि थाखाय गसिबनोबो गहाम हामलायथिखौ बावहरो। टकिय अलिम्पिकआव वेदलिफ्टार मीरा बाइआ आइजोफोरनि 49 कि:ग्रा: वेट केटेगोरिआव 202 कि:ग्रा: नि लिस्थाय दैखानानै सिल्भार मेडेल देरहादों। मेडेलखौ देरहाखानायनि उनाव चानुआ बुंदोंमोन्दि गावनि थाखा। बेयो सिमाडा मोगाथाडव जाफुंसारनाय बादि। बे मेडेलखौ हादत आरो बेवहायनि कौटि कौटि सुबुंफोरनो डेडिकेट खालामो। बिसोरो आनि थाखाय अरय सम आर 'ज गावदों। गाव गावनि नख 'रनोबो गहाम हामलायथि बावनो गोसो जादों। मानोना बिमाआ गावखौ अरय सम फोथायनानै हेफाजाब होदों।



## निरज चप्रानि गल्ड मेडेल देरहानायाव गोजोन्नाय मोन्दों पेराएथलिट देबेन्द्र झाझरियाआ

गोदान दिल्ली, 9 आगस्ट : जेबलिन थ्रआव पेरालिम्पिकआव खननै गल्ड मेडेल देरहानाय देबेन्द्र झाझरियाआ हमदांना लादोंदि, निरजनि जारिमिनारि दिन्थिफुनायजों जेबलिन थ्रआ आवगय लानो हागोन। भारतआव बे मेचखौ लानानै सुबुंफोरनि सान्नाय हनायाबो सोलायगोन आरो सुबुंफोर गाव गावनि गथ 'फोरखौ वनि थाखाय थुलुंगाखां होगोन। बै सानआ बांद्राय गोबाव गैला, जेराव भारतनि साफ्रामबो गथ 'फोरनि आखाइआव बेट बलनि जायगायाव जेबलिन थागोन। झाझरियाआ बुंदों, गाव



गोजोन्नाय मोन्दोंदि, चप्रानि गल्डजों गावनि इभेन्टआव भारतआव मोनसे दोहौ फैगोन। भारतआवबो एथलेटिक्सनि बे इभेन्टआव गिदिर सोलायनायखौ नुनो मोनगोन। बे बाथाखौ लानानै दुखुबो मोन्दोंदि, खननै पेरालिम्पिकआव रेकर्ड खालामनानै देरहानो हादों। नाथाय सुबुंफोरा बे इभेन्ट आरो मेडेल देरहानायनि सोमोन्दे बांद्राय मोनथिनो मोनाखै। गाव सरकारनिफ्राय खेल रब, अर्जुन एवार्ड, पदश्री बाथाखौ मोन्दों। निरजनि देरहानायआ गावखौबो पेरालिम्पिक गेम्सआव थामथि गल्ड मेडेल देरहानो थाखाय थुलुंगाखा होदों।

## बार्सिलनाखौ नागारनांनायाव लियनेल मेसिआ उनदाहा जादों

गोदान दिल्ली, 9 आगस्ट: लियनेल मेसिआ बार्सिलनाखौ नागारनाय। फुटबल मोजां मोनफ्राफोर बेबायदि जगोन होन्नानै आसा खालामाकैमोन जानांगौ। मेसि आरो बार्सिलनानि गेजेयव जा सोमोन्दो दं, बेखौ सोदोबजों बुनानै फोजोबनो हाया। बे क्लाबनि थाखाय मेसिआ 672 गलखौबो सोनाय सासे गेलोगिरि जादों। मोनसे भाइरेल जानाय भिडियआव नुनो मोन्नाय जादोंदि, बार्सिलनाखौ नागारनायनि बाथा फोसावनाय लोगो लोगोनो मेसिआ गावनि मेगननि मोदें गनायखौ होबथानो नाजायो। हलआव जिरायनानै थानाय साफ्रामबो सुबुंफोरा आखाइ खबनानै विनि गोसोनि बोलोखौ बांहोनो नाजादों। आखाइ खबै सुबुंफोरा मेसिनो स्टेन्डि अवेरान होनो थाखाय गसडे आरो आखाइआव रुमाल लानानै मेसिआ



फारनैबो आखाइजों गावनि मोखांखौ खोबनानै गावनो हमो। बार्सिलनारि गावनि सोमोन्दोखौ लाखिलाबाय थानो थाखाय बियो क्लाबनो गावनि बेटनखौ 'खावसेल' खालामनोबो बिथांखि होदोंमोन। नाथाय गिबिनफ्रायनो रंखान्थिनि जेनाजों बुगिनांनय बार्सिलनाआ बिखौ गावजों लोगोसे लाफानो हायाखै। बार्सिलनाखौ नागारनायनि दुखुआव मेगननि मोदें गनायखौ मेसिआ जाय रुमालजों खनले-खनले होबथानो नाजादोंमोन, बेवहायबो मोनसे बाथा दं। जेब्ला गिबि खेब मेसिनि बिफाआ बिखौ बार्सिलना क्लाबआव ट्रायेलनि थाखाय लादोंमोन अब्ला क्लाबआ मेसिनि मेच गेलेनायखौ मोजां मोन्दोंमोन। क्लाबआ मेसिनो गिबि कन्ट्रेक्ट एवा रदाय खानायखौ गांसे रुमालाव लिस्नानै होदोंमोन।



अनेगब चब्वरब my GOV मेरी सरकार

आसाम सरकार GOVERNMENT OF ASSAM

देहायारि लोरबांफोरनि थाखाय आसाम सरकारनि मोनसे मुगाखौ फोजोबनाय थांखि

राइज्योनि आइजोनिसिम  
अरुन 'दय बिथांखि

श्वहीद कुशल कुंवर  
बोराय पेन्चन

इन्दिरा मिरि अराइथा  
रान्दि पेन्चन

दिनदयाल  
बेंगुरानि अनसुंथाय

10 खालार  
पेन्चन आरो  
अरुन 'दयनि सान

सा 43,71,723 मुलाम्फायारिफोरनि

एकाउन्टआव मोननांगौ धोनखौ होबाय

गथायनाय गासै धोन 242.38 कौटि रां

10 खालारावनो माहारियारि बोराइ पेन्चन, बेंगुरानि  
अनसुंथाय आरो रान्दि पेन्चनखौ फारिफारियै गथायदों।

फोरमायथाय आरो सुबुं फोनांजाब बिथोनगिरि मावख', आसामजों फोसाव जानाय

JANASANYOG/D/3614/21

Owned, printed and published by Garkhwdao Basumatary from Maibong Nwgwr J.D. Road, Kokrajhar, W/No. 5, P.O. & Dist. Kokrajhar, B.T.C, Assam. Printed at BODOSA PRESS, Gwjwmpuri, P.O. & Dist. Kokrajhar, B.T.C, Assam Phone & Fax No : 03661-276785, E-mail: bodosa@gmail.com, bodosa\_daily@yahoo.co.in, Editor : Baburam Basumatary, Executive Editor: Mwgthang Basumatary